



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Titulus XI. De Consuetudine.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

## TITULUS XI.

## DE CONSUETU DINE.

## CAPUT PRIMUM.

*Decisiones Juris propriis verbis deponitae.*

**U**bi Leges & Precepta Particularia deficiunt, tunc ad Consuetudines recurri solet in Gallia, tamquam ad Legem aut Generalem aut Municipalem: quare valde necessarium est nosse, quid in Jure Canonico de ea statuatur, & quam vim habeat, & quoque extendatur. Sit itaque

## SECTIO I.

*Quid sit Consuetudo, & Quae sit ejus autoritas.*

I. **C**onsuetudo est Jus Quoddam Moribus institutum, quod pro Lege suscipitur, cum deficit Lex. *Dist. I. Cap. 5. Consuetudo init.*

II. Vocabular Consuetudo, quia in communi est usu. *ibid. §. Porro. fin.* Mos est longa Consuetudo de Moribus tantummodo tracta. *ibid. Cap. 4. Mos.*

III. Non differt a scripturâ, an ratione Consuetudo consistat. *ibid. Cap. 5. Consuetudo. §. nec dif-*

ferit. IV. Longa Consuetudo censetur, quæ tanto tempore est servata, quod in contrarium memoria non existit. *In VI. De Consuetudine. Cap. Consuetudinem. LIB. I. TIT. IV. Cap. 1.*

V. Consuetudo præcedens, & ratio quæ Consuetudinem suavit, tenenda est. *DISTINCT. XII. Cap. 7.*

VI. Consuetudo perhibetur esse Legum Interpres. *De Verb. Signif. Cap. Abbate. in fin. LIB. V. TIT. XL. Cap. 25.*

VII. Consuetudinis Ususque longævi non levius debet esse autoritas, & plerumque discordiam parunt Novitates. *De Consuetudine. Cap. Cùm Consuetudinis. LIB. I. DECR. TIT. IV. Cap. 9.*

VIII. Diuturni Mores consensu Utentium approbati Legem imitantur. *DISTINCT. XII. Cap. 6. Duturni.*

IX. Consuetudo approbata optima est Legum Interpres. *ibid. Cap. 8. Cùm Dilectus. §. 1. dictus.*

X. Consuetudo approbata pro Lege servatur in Partibus Gallicanis. *De Arbitris. Cap. Dilecti. LIB. I. DECRET. TIT. XIII. Cap. 4.*

XI. Sicut Prævaricatores Divinarum Legum, ita Contemptores Ecclesiasticarum Consuetudinum concordantia sunt. *DISTINCT. XI. Cap. 7. In his.*

XII. Juxta Municipii cujuslibet Consuetudinem approbatam licet agere. *De in integrum Restitu-*

*tione. Cap. Constitutus. Colligitur. LIB. I. DECR.*

*TIT. XLI. Cap. 8.*

## SECTIO II

*Confertur autoritas CONSUE TU DINIS CUM LEGIBUS, Æternâ, Naturali, Divinâ, Humanâ.*

I. **C**um Consuetudini veritas suffragatur nihil oportet firmius retineri. *DISTINCT. VIII. Cap. 7. Frustra. §. hoc. fin.*

II. Licet Usus vel Consuetudinis non minima sit autoritas, nunquam tamen Veritati aut Legi præjudicat. *De Sent. & Re Jud. Cap. Cùm causa §. Nos autem. LIB. II. DECR. TIT. XXVII. Cap. 8.*

Consuetudo sine veritate vetustas erroris est. *Dist. VIII. Cap. 8.*

III. Veritati manifestatæ debet Consuetudo cede-re. *ibid. Cap. 4. Veritate. init.*

IV. Nemo Consuetudinem Rationi & Veritati præponat: quia Consuetudinem Ratio & Veritas semper excludunt. *ibid. §. Nemo. fin. Dominus non dixit, Ego sum Consuetudo, sed Veritas. ibid. Cap. 5. si Consuetudinem.*

V. Quælibet Consuetudo quantumvis vetusta, quamvis vulgata, Veritati omnino est postponenda; & Usus, qui Veritati est contrarius, abolendus. *ibid. Cap. 5. fin.*

VI. Nemo sanæ mentis intelligit Naturali Juri quacumque Consuetudine (quæ dicenda est verius in hac parte Corrupela) posse aliquatenus deroga-ri. *de Consuetudine. Cap. Cum tanto. init. LIB. I. DECR. TIT. IV. Cap. 11. quod est ultimum.*

VII. In his, quæ sunt contra Legem Divinam, Consuetudo quavis longa non juvat nec excusat; quia non debet attendi solùm quid si factum, sed potius quid sit faciendum. *De Electione. Cap. Cùm causam. LIB. I. DECR. TIT. VI. Cap. 27.*

VIII. Consuetudo, quæ contrâ Fidem Catholi-  
cam nihil usurpare dignoscitur, immota perma-nere debet. *DISTINCT. XII. Cap. 8. Nos. init.*

IX. Obtentu alicujus Consuetudinis nemo debet contra Sanctorum Patrum Constitutiones venire, & quod ad suum non spectat officium vindicare. *De Officio Archidiaconi Cap. Cùm satis. LIB. I. DECR. TIT. XXIII. Cap. 4.*

X. Consuetudo contrâ Ecclesiasticam Libertatem est penitus abolenda. *De Electione. Cap. Cùm ter-  
ra. LIB. I. DECR. TIT. VI. Cap. 14.*

XI. Consuetudo, quæ Canonici obviat Institutis, nullius debet esse momenti. *De Consuetudine. Cap. Ad nostram. §. Nos igitur. init. LIB. I. DECR. TIT. IV. Cap. 3.*

XII. Hæc non tam Consuetudo, quæ Corrup-tela merito est censenda, quæ profecto Sacris est Canonibus inimica. *ibid. Cap. 7. Cùm Venerabilis. §. postmodum. fin.*

XIII. Consuetudo Ecclesiastica Institutioni inimi-ca, est penitus improbanda. *De Temporibus Ordina-tionum. Cap. Sanè. LIBR. I. DECR. TIT. XI. Cap. 2. med.*

XIV. Consuetudo, ex quâ disrumperetur nervus Ecclesiastica Disciplinæ, est irritanda. *ibid. Cap. Cùm inter. §. Nos igitur. fin. LIB. I. DECR. TIT. IV. Cap. 5.*

XV. Quod ab Apostolica Sedi Rectoribus plena autoritate sancitur, nullius Consuetudinis præ-pediente occasione, proprias tantum sequendo voluntas, removetur, sed firmiter atque incon-cusse teneatur. *Dist. XI. Cap. 2. Consequens est, Consuetudo Loci alicujus Particularis, quæ à Divina Lege & Sanctorum Patrum Institutis, & à Generali Ecclesiæ Consuetudine esse noscitur aliena, debet improbari. De Testamentis. Cap. Cùm effe. §. Quia verò. LIB. III. DECR. TIT. XXVI. Cap. 10.*

XVI. Generaliter est omni Consuetudini deroga-dandum, quæ absque mortali peccato non potest ob-servari. *De Prescriptionibus. Cap. Quoniam. LIB. II. DECR. TIT. XXVI Cap. 20. quod est ultimum.*

XVII. Licet etiam longevæ Consuetudinis non sit vilis autoritas, non tamen est usque adeo vali-tura, ut vel Juri Positivo debeat præjudicium generare, nisi fuerit rationabilis, & legitimè sit prescripta. *De Consuetudine. Cap. Cùm Sancto. fin. LIB. I. DECR. TIT. IV. Cap. 11. quod est ultimum.*

XVIII. Si talis fuerit Consuetudo probata, que Juri Communi præjudicet, secundum illam, debet Ju-dex decernere. *ibid. Cap. 8. Cùm dilectus. §. Quia no-bis. fin.*

XIX. Secundum posteriorem Canonem debet ob-servari,

servari, nisi Consuetudo Ecclesiaz, quæ scandalum generet, aliter se habere noscatur. *De Cognitione Spirituali*. Cap. *Utrum fin.* LIB. IV. DECR. TIT. XI. CAP. 1.

XX. Consuetudinem laudamus, que tamen contrà Fidem Catholicam nihil usurpare dignoscitur. DIST. XI. CAP. 6. *Ex Decretis Pii I. Decreto* Septimo habentur in I. LIB. I. REGESESTI --- S. GREGORII. Epistola 75.

XXI. Ex collectis suprà Canonibus, sequitur, servandam non esse Consuetudinem, quæ repugnat Legibus, vel Aeternæ, quæ eadem est ac ipsa Veritas; vel Naturali; vel Divina; vel Humanæ illarum Executrici; servandam verò, quæ derogat tantum Legi puræ Humanæ; si legitimè sit præscripta, id est observata per 40. annos consentiente Superiore. Hac Observatio applicanda est ad sequentes Canones ejusdem generis.

### SECTO III.

#### De Malâ Consuetudine.

I. **M**ala Consuetudo non minus, quam Perniciofa Corruptela vitanda est. DIST. VIII. CAP. 3. Mala. init.

II. Sicut Consuetudo Laudabilis nullâ debet novitate divelli, si quod noscitur contrà Jus Moribus introductum obviâ ratione debet dissolvi. *De Probat.* CAP. *Sicut initio in integra.* LIB. II. DECR. TIT. XIX. CAP. 2.

III. Nisi citius radicitus evellatur, in Privilegiorum Jus ab Improbis assumitur: & incipiunt prævaricationes & variae præsumptiones celerrimè non compresæ Privilegorum more perpetuò celebrari. *ibid.* Consuetudo, quæ Legi contraria est, non obstat. *De Juramento Calunnia.* CAP. *Ceterum fin.* LIB. II. DECR. TIT. VII. CAP. 5.

IV. Nullus tenetur ad observandas Consuetudines abusivas. *De Consuetudine.* CAP. *Ex parte.* §. *Tenore,* fin.

V. Ad Observantiam Consuetudinis, quæ Sacris est inimica Canonibus, & de Ambitionis radice procedit, etiamsi juramento firmata extiterit, Nullus tenetur. *In VI. De Consuetudine.* CAP. *Consuetudinem.* LIB. I. TIT. IV. CAP. 1.

VI. Consuetudines, quæ Ecclesiis gravamen inducere dignoscuntur, decet remittere. *De Consuetudine.* CAP. *Consuetudines.* LIB. I. DECR. TIT. IV. CAP. 1.

VII. Abusiva est Consuetudo, per quam Quis inducitur ad peccandum, & Bona propria dissipandum. *De Consuetudine.* CAP. *Ex parte.* Rubrica colligit. LIB. I. DECR. TIT. IV. CAP. 10.

VIII. Quod latenter vel alias illicite introductum est, nullâ debet stabilitate subsistere. *De Regulis Juris.* CAP. *Quod latenter.* LIB. V. DECR. TIT. XLI. CAP. 5.

IX. Episcopus ex Officio sibi commissio iniquam Consuetudinem de Provincia suâ debet radicibus extirpare. *De Institutionibus.* CAP. *Ex frequentibus.* LIB. III. DECR. TIT. VII. CAP. 3.

X. Omnia talia, quæ neque Sanctorum Scripturarum autoritatibus continentur, nec in Conciliis Episcoporum statuta inveniuntur, nec Consuetudine Universalis Ecclesia roburata sunt sed diversorum Locorum diversis Moribus innumerabiliter variantur, ita ut vix aut omnino nunquam inveniri possint cause, quas in eis instituendis Homines fecuti sunt, ubi facultas tribuitur, sine ullâ dubitatione sunt revocanda. DIST. XII. CAP. 12. *Omnia.*

XI. Qui à pravâ Consuetudine averti non possunt, aliquandò cum veniâ suo ingenio relinquendi sunt; ne forte Peiores existant, si tali Consuetudine prohibeantur. DIST. IV. CAP. 6. *Denique.* §. *de ipsâ med.*

### SECTO IV.

#### Quomodo sint observande Varie Consuetudines.

I. IN his rebus, de quibus nihil certi statuit Divina Scriptura, mos Populi Dei, & Instituta Majorum, pro Lege tenenda sunt. DISTINCT. XI. CAP. 7. In his. init.

II. Quæ contrà Mores Hominum sunt flagitia, pro Morum diversitate vitanda sunt, ut pactum inter se Civitatis aut Gentis Consuetudine vel Lege firmatum nullâ Civis aut Peregrini libidine violetur: turpis enim omnis Pars est suo Universo non congruens. DIST. VIII. CAP. 2. Quæ contrà. init. S. AUG. LIB. III. CONFESS. CAP. 8. circiter an. 400.

III. Ecclesiasticae Institutions, quas Consuetudine roboratas approbavit Ufus, eamdem vim ad Pietatem habent, ac Dogmata Scripto tradita. *ibid.* CAP. 5. Ecclesiasticarum. init.

IV. Illa qua non scripta, sed tradita custodimus, qua quidem toto Terrarum Orbe observantur, datur intelligi, vel ab ipsis Apostolis, vel Plenariis Concilii, quorum est in Ecclesia saluberrima autoritas, commendata atque statuta retineri. DIST. XII. CAP. 11. Illa. init.

V. Rationabilis Consuetudo Ecclesiaz Generalis ab Omnibus est servanda. *De Celebratione Missarum.* CAP. *Perniciosus.* colligitur. LIB. III. DECR. TIT. XLI. CAP. 13.

VI. Sive in Romanâ, sive in Gallicanâ, sive in quilibet Ecclesiâ aliquid invenisti, quod plus Omnipotenti Deo posse placere, follicite eligas. DIST. XII. CAP. 10. *Novit.* GREGOR. I. EPIST. AD AUGUSTINUM ANGLORUM EPISCOPUM LIB. XII. REG. EP. 31. CAP. 3.

VII. In Ecclesiâ, quæ adhuc in Fide nova est, institutione præcipuâ, quæ de multis Ecclesiis colligere potuisti, infundas &c. *ibid.* circiter an. 603.

VIII. Multum convenit, ut solum Corpus Ecclesiaz in hac sibimet observatione concordet, quæ inde autoritatem habet, ubi Dominus Ecclesiaz totius posuit Principatum. DIST. XI. CAP. 3. *Nolite s. sati. fin.* Sumitur ex Epistola falsâ tributa JULIO I. & est contraria defunctis Canonibus ex S. AUGUSTINO & S. GREGORIO suprà relativi.

IX. Nihil obsunt Saluti Creditum diversæ pro Loco & Tempore Consuetudines, si illis Canonica non obstat autoritas. DIST. XII. CAP. 3. *Scit. ex LEONE IX.*

X. Traditiones Ecclesiasticae, præsertim, quæ Fidei non officiant, ita observandæ, ut à Majoribus traditæ sunt, nec aliorum Consuetudo aliorum contrario Mōre subvertitur. *ibid.* CAP. 4. *Illud.*

XI. Quis nesciat, id, quod à Principe Apostolorum Petro Romana Ecclesia traditum est, ac nunc usque custoditur, ab Omnibus debere servari, nec superinduci aut introduci aliquid, quod aut autoritatem non habeat, aut aliund accipere videatur exemplum. DIST. XI. CAP. 11. *Quis nesciat. init.* quod ultimum est.

XII. Oportet, eos hoc sequi, quod Ecclesia Romana custodit, quos ab eâ principium accepisse non est dubium. *ibid. med.*

XIII. Rationabiles & approbatæ Consuetudines cuiuslibet Ecclesia suam habere debent firmitatem. *De Consuetudine.* CAP. *Cum Olim.* LIB. I. DECR. TIT. IV. CAP. 6. fin. cum GLOSSA.

XIV. Cum à Diversis diversæ Consuetudo tenetur, eligendum in hoc casu quod per Consuetudinem diu obtentam ibidem noscitur observatum. *De Decimis.* CAP. *Ad Apostolicæ.* fin. LIB. III. DECR. TIT. XXX. CAP. 20. Responsum Pontificis GONZALEZ sic legit: *Tu vero eliges in hoc casu, quod nullum vel minus novis scandalum generari.* GREGORIUS IX. tutius duxit, ut proscripteretur modus quo scandalum vitaretur.

XV. Ubi sunt diversæ Consuetudines locorum debet

bet Episcopus Consuetudinem suæ Metropolitanæ Ecclesie, vel aliarum circumpositorum, inquirere & diligentius imitari. *De Cognitione Spirituali.* Cap. *Super eo.* post init. LIB. IV. DECR. TIT. XI. Cap. 3. & *De Confuetudine Cap. Cùm Olim.* colligitur. LIB. I. DECR. TIT. IV. Cap. 6. §. *Quocirca.*

XVI. Grave est antiquam Consuetudinem circumadjacentium Ecclesiarum super his, in quibus diversa est Ecclesiarum Consuetudo, contemnere. *ibid. fin.* LIB. IV. DECR. TIT. XI. Cap. 3.

XVII. In his, quæ de Consuetudine permittuntur alicubi, licet alibi non obseruantur, debet Episcopus in suâ Ecclesiâ dissimulare ita, quod nec contradicere, nec suum videatur praefare assensum. *ibid. fin.*

XVIII. Gravius videtur, si propter eam Consuetudinem hujusmoni rebus suum indulgeret assensum; cùm posset sic in exemplum assimi. *ibid. fin.*

XIX. Aut Mos omnium est servandus; aut si aliquid specialiter dicitur esse concessionem præceptum-ve, oportet ostendi. DIST. C. Cap. 8. *Contrà Morem.* §. 1. *illud Pater. med.*

XX. Consutiūs Observatæ Consuetudini deferendum, quām aliud in dissensionem & scandalum Populi statuendum, quād adhibita novitate. *De Consanguinitate &c.* Cap. *Quod Dilectio.* fin. LIB. IV. DECR. TIT. XIV. Cap. 3.

### SECTIO V.

#### *Quos effectus paret Consuetudo Legitima.*

I. EX Consuetudine speciali valent aliqui contrà Jus Commune Jurisdictionem sibi vindicare erā Delinquentes. *De Foro Competenti.* Cap. *Cum contingat.* fin. LIB. II. DECR. TIT. II. Cap. 13.

II. Consuetudo derogat Juri Communi etiam in Criminibus. *ibid. GLOSSA* colligit.

III. Antiqua Consuetudo Terræ excusat, quomodo puniantur qui Juri Communi non obtéperant. *De Temporibus Ordinationum.* Cap. *Sanè. med.* colligitur. LIB. I. DECR. TIT. XI. Cap. 2.

IV. Consuetudo dat Jurisdictionem in Excessibus corrigendis. *De Officio Judicis Ordin.* Cap. *Irrefragabili.* colligitur. LIB. I. DECR. TIT. XXXI. Cap. 13.

V. Per Consuetudinem approbatam, Personæ alias Inhabiles in Subditos suos ordinariam Jurisdictionem habere noscuntur. *De Arbitris.* Cap. *Dilecti.* §. *Quavis.* post init. LIB. I. DECR. TIT. XLIII. Cap. 4. colligitur.

VI. Consuetudo confert Jurisdictionem etiam Spiritualem. *De Officio Judicis Ordin.* Cap. *Duo simu.* post init. LIB. I. DECR. TIT. XXXI. Cap. 9. colligitur.

VII. Consuetudine acquiritur jus eligendi. C. 7. *De Offic. Arch. & Cap. Dilectio,* *ibid.* LIB. I. DECR. TIT. XXIII. C. 10. *CLEMENTINA.* *De Electione.* Cap. *Statutum.* LIB. I. TIT. III. Cap. 7. colligitur.

VIII. Consuetudo Ecclesia tollit Jus, & ei prejudicat. *De Cognitione Spirituali.* Cap. *Utrum.* fin. *GLOSSA* colligit. LIB. IV. DECR. TIT. XI. Cap. 1.

IX. Antiqua Consuetudo à Tempore, cuius non extat memoria, introducta, jus five Privilégium inducit. *De Verborum Significatione.* Cap. *Super §. 2. Praetera.* fin. *GLOSSA* colligit. LIB. V. DECR. TIT. XL. Cap. 26.

Recenser possunt inter præcipuos Consuetudinis effectus, infinita propemodum mutationes, qua à Christo ad nos circà Disciplinam factæ sunt, sicut in posterum usque ad ultimum ejus Adventum.

### SECTIO ULTIMA.

#### *Quomodo probetur Consuetudo?*

I. D Epositionibus Testium probatur Consuetudo. *De Verborum Significatione.* Cap. *Abbate.* §. 2. Nos. init. LIB. V. DECR. TIT. XL. Cap. 26.

II. Per Majores, qui habere debent de Consuetudine notitiam plenioram, super Controversias, sollicitè veritas inquiri debet. *De Officio Archidiaconi.* Cap. *Dilectio.* §. penult. idèque. LIB. I. DECR. TIT. XXIII. Cap. 10.

III. Per eosdem Majores constare debet de pacifice sive obtentâ Consuetudine. *ibid.*

IV. Non videtur injuriam facere, qui utitur jure suo, cùm per Testes probatum est, quod hoc jure usus fuerit. *De Electione.* Cap. *Cum Ecclesia.* §. *Mandamus.* LIB. I. DECR. TIT. VI. Cap. 31. med.

V. Ecclesia antiquo jure uti liberè debet, maximè si sit notoriū, quod in Provincia, Generalis Consuetudo servetur, ut in cæteris Ecclesiis idem obtineat. *ibid. fin.*

VI. Unus vel alter actus non sufficit ad prescribendam Consuetudinem. *ibid.* Cap. *Cumana.* LIB. I. DECR. TIT. VI. Cap. 50. §. *Cum Decem.* colligitur.

VII. Nemo potest nomine suo allegare Consuetudinem. *ibid.* Cap. *Constituīs:* *GLOSSA.* Verbo *Quo jure.* LIB. I. DECR. TIT. VI. Cap. 47.

VIII. Maximè valet Consuetudo, cùm dici potest quod quasi contradic̄tio Judiciō fuerit introducta. *De Verborum significatione.* Cap. *Abbate.* §. 4. ad hoc. colligitur. Dicitur maxime, quia Judicium contradic̄tum non est necessarium; ut observat GONZALEZ in C. 1. *De Consuetud. n.* 11. ubi addit, Tria sufficere, nempe Usum Longevum, Principis consensum sive cuiusvis alii potestatē Habentis Jus condendi, & causam rationabilem: citatque Celebres Autores, qui docent, Actus Judiciales ad id non requiri. Consentit quoque *GLOSSA* in Verbo *contradic̄tio Judicio*, declarans, illo opus non esse, nisi in dubio, an exter Consuetudo, aliis afferentibus, aliis negantibus.

### CAPUT II.

*Regule circà Consuetudinem, quoad sensum è Jure desumptæ, cum explicatione Precedentium Decisionum, tamen exemplis quām variis Divisionibus congruo ordine digestis.*

A Rescriptis ad Consuetudinem transeamus Gre-gorianum ordinem sequentes. Utilior erit hic Tractatus, quām ille: Plura & Plures respicit, atque ad Praxim multò plus conductit; Tractantes ergò de Consuetudine, discutiemus. 1. An sit Pars Juris, Quare, & à Quo Tempore? 2. Quid sit Consuetudo? 3. Quotuplex sit Consuetudinum Divisio? 4. Quid cuique Consuetudinum generi conveniat? 5. Quæ sit Consuetudinis vis, & à Quo petatur?

Singula autem Puncta singulis, vel pluribus, pro rei necessitate §§. aliisque subdivisionibus tractabimus; Cùm igitur Primi Puncti discutiendi triplex sit Pars, idèo in tres §§. dividetur; sed unum prius notandum est, quod totius Tractatus quasi Basis est & Fundamentum, nempe rationcinandum de Consuetudine modo, quo de Canone, idèque quod de isto dictum est, ad Consuetudinem extendendum esse.

### PUNCTUM PRIMUM.

*Circà Consuetudinem in tres §§. divisum.*

#### §. I.

*An Consuetudo sit Pars Juris.*

### REGULA.

Non alia docet Canon circà hunc §. quām sequuntur.

I. Vocatur Jus ab Isidoro. C. 5. DIST. I.  
II. Di-

II. Dicitur ab eodem pro Lege suscipi, cum Lex deficit. *ibid.*

III. Idem annumerat inter Legis conditiones, quod sit juxta Patriæ Consuetudinem. Quod partim proponit, ex eo quod Consuetudo pro Lege habeatur. C. 2. DIST. IV.

IV. Conferunt infinitis in locis cum aliis Juris Partibus, diciturque servanda ut Lex. C. 5. 6. 7. DIST. XI.

V. Docet JUSTINIANUS diuturnos Mores, qui idem sunt ac longa Consuetudo, vim Legis habere. C. 6. DIST. XII.

VI. Revocari jubet Idem, quod fit contra longam Consuetudinem. C. 7. d.

VII. CAROLUS MAGNUS ita agnoscit, Consuetudinem esse Juris Partem, ut Populos sibi subditos distinguat in eos, qui Lege, & eos, qui Consuetudine reguntur. C. 37. CAUS XI. QUÆST I.

VIII. Quod à Generali Ecclesiæ Consuetudine est alienum vitandum est. C. 11. 12. DIST. XII.

### §. II.

*Quare Consuetudo sit Pars Juris?*

R E G U L A.

Non alia habentur in Canone circa hunc §. quam ista.

I. Si Consuetudini suffragetur veritas, nil firmius retineri oportet, quia nil melius servatur. C. 7. DIST. VIII. §. Hoc.

II. Consuetudinis Ususque longevi non vilis est autoritas. C. 4. DIST. XI. C. 9. *De Consuetud.*

III. Si Consuetudines nihil astimamus, hinc multum detrimenti Religio feret. C. 5. *Ead. DIST.*

Consuetudo pertinet quoque ad Jus, prout est Juris interpretatio, est enim optima Legum Interpres. C. 9. de Sepult. C. 8. de *Confuet.* eaque interpretatio praefertur ei, quæ ex verborum propriâ significacione petitur. FAGNAN. in C. 12. de *Judic.* n. 87.

### §. III

*A quo tempore Consuetudo est Pars Juris?*

R E G U L A.

Consuetudo est Juris Humani Pars antiquior. §. 1. Verò *Confuet.* paulò ante initium. DIST. VII.

RATIO GRATIANI, ex quo REGULA defumitur, hæc est; A quo Homines simili habitare cœperunt, quod accidit statim ac Civitas à Cain adficata est, Consuetudine regi etiam cœperunt, Leges autem ab iis longè posterius conditæ sunt.

### PUNCTUM SECUNDUM.

*De Consuetudinis Naturâ.*

Secundi Puncti duplex est sensus, nimirūm. 1. Quid significet hæc vox, *Consuetudo*, & 2. Quid sit Res hæc vox significata; ideoque in duos §. dividetur.

### §. I.

*Quid significet hæc Vox, Consuetudo?*

R E G U L A.

Nil aliud in Canone circa hunc §. quam istud, legitur.

Vocatur Consuetudo Quod in Communi est usu. C. 6. DIST. I.

### §. II.

*Quid sit Res Nomine Consuetudinis significata*

R E G U L A.

Hoc unum docet Canon circa hunc §.

Consuetudo est Jus quoddam moribus institutum, quod pro Lege suscipitur, cum deficit Lex. C. 5. DIST. I.

### PUNCTUM TERTIUM.

*De Consuetudinis Divisionibus.*

### §. I.

*Quotuplex sit Consuetudinum Divisio?*

R E G U L A.

Quadruplex tantum ex Canone insertur Consuetudinom Divisio.

I. Consuetudo est scripta, vel non scripta. C. 5. DIST. I.

II. Consuetudo est ex se bona, vel mala. C. 6. DIST. IV. C. 3. 4. 5. 6. 7. 8.

III. Consuetudo est ex se nec bona, nec mala. C. 11. DIST. XII.

IV. Consuetudo est vel Generalis, vel Particularis. C. 12. 13. DIST. XII.

Prætermittitur Quinta Divisio Consuetudinis, in illam, qua est contra Jus, & illam, qua est præter Jus, quia de illa non fit expressa Mentio in Canone: Posterior est ea, que versatur circa Res nullæ Lege præcepta, nec veritas: illius meminit GONZALEZ in C. 1. de *Confuet.* n. 11. necnon discriminis inter utramque, quod caret fundamento in Jure.

Idem sit de Divisione in Consuetudinem, quæ excedit memoriam Hominum, & eam, quæ non excedit, quia hæc Circumstantia est merum accidens, quod cuique præfatarum specierum Consuetudinis convenit, cum nulla sit, quæ immemorialis esse non possit, idèque notaſe sufficiet, quod ea, que huic pecularia sunt, colligit FAGANUS variis locis, sed præcipue in Cap. 1. de *Consuetudine* à n. 49. usque ad finem C. 4. ibid. n. 33. & 36. C. 4 de *Relig. Dom.* n. 34. C. 14. & 27. de *Jure Patr.* nempe, eam habere vim Titiuli, seu Privilegii, nisi sit ex illis, quæ à Jure exp̄s̄e probantur, vel Personæ sint incapaces Rei, de quâ agitur: hinc Canones Derogantes Consuetudini addunt quandisque hæc verba, *etiam immemorialia*.

### PUNCTUM QUARTUM.

*Quid cuique Consuetudinum generi conveniat.*

Puncti IV. tot sunt Partes, quot Consuetudinum genera.

### §. I.

*De Prima Consuetudinum Divisione.*

S E C T I O I.

R E G U L A.

Nil aliud docet Canon circa Primam Consuetudinis Divisionem, quam istud.

Non differt, an Consuetudo Scripturâ, an Ratio confitit; unde GRATIANUS merito infert, Consuetudinem aliam esse scriptam, aliam non scriptam, sed non recte judicat, scriptam idem esse ac Constitutionem, cum ista exp̄s̄e fiat, ab Habente potestatem condendi Legem; Consuetudo verò à Subditis flatus.

statuatur, non dissentiente Legislatore: Cùm præterea Constitutionis certa sit vulgo origo; Consuetudinis sèpius incerta: Constitutio uno momento fiat; Consuetudo longo Temporis spatio egeat, ut stabilitur.

Nota obiter circa hanc Divisionem 1. eam esse merè accidentalem, utique peritam tantum ex modo, quo Consuetudo ad Posteros transmittitur, qui est accidens.

2. Constitutionem, quæ jamdiu servatur, dici posse Consuetudinem eo sensu, quod in Communi sit Usu; sed Consuetudinis nomine propriè intelligi Jus Moribus introductum, eodemque modo perseverans.

### §. II.

#### De Priore Secunda Consuetudinum Divisionis Parte.

##### R E G U L A .

Quæ docet Canon circa Bonam Consuetudinem, ad ista reducuntur. 1. Quid sit? 2. Quid faciendum circa Bonas Consuetudines? 3. Quæ Seculares vel Ecclesiasticae Consuetudines inter Bonas ponendæ sint.

### S E C T I O . I.

#### *Quid ex Canone sit Bona Consuetudo.*

##### R E G U L A .

Nil aliud docet circa hanc Sectionem Canon, quam ista.

I. Consuetudo Bona est illa, quæ Ratione constat, Religioni convenit, Disciplinæ congruit, Salutique proficit. C. 5. DIST. I.

II. Bona Consuetudo est illa, quæ Juri Naturali & Divino conformis est, quæ cum Fide ac cum Veritate manifestat concordat. C. 8. DIST. XII.

Nota obiter, Definitiones vel Descriptiones malæ Consuetudinis, de quibus postea, posse in contrario sensu applicari bona Consuetudini, sicut Definitiones istius possunt in eodem sensu malæ Consuetudini pariter accommodari.

III. Est illa, quæ est rationabilis, & legitimè præcripta; id est per Tempus ad legitimam præscriptiōnem necessarium inducta: Tempus autem, illud est 10. annorum secundum Leges, & 40. secundum Canonem. C. 11. De Caus. C. 3. De Cau. Poss. PANORMITANUS C. 11. De Consuet.

### S E C T I O . II.

#### *Quid faciendum circa Bonas Consuetudines.*

##### R E G U L A .

Non alia circa hanc Sectionem in Canone habentur, quam ista.

I. Ut bona Leges diligenter, studiosè & illibatè, servanda sunt. C. 5. 6. 7. 8. DIST. XI. Et tota fere, DIST. XII.

II. Cùm diversæ sunt, quæ magis Rationabiles, præferendæ sunt. C. 6. de Cons.

III. Juxta illas judicandum. C. 3. De eo, qui mittitur &c.

IV. In Parochiis vel Episcopatibus noviter ereditis servanda sunt Consuetudines Vicinarum Ecclesiarum quoad jura Parochis vel Episcopis solvenda. C. 22. de Censib.

V. Generalis Ecclesia Consuetudo in celebrandis Divinis Mysteriis servanda est. C. 13. de Celeb. Miss.

VI. In Celebrandis Festis & observandis Jejuniis,

Locorum Consuetudines sunt sequendæ. C. 2. de Observ. Jejun.

VII. Ecclesia Suffraganea servare debet quod Beati Petri Sedem vel suam Metropolim servare viderit & docere. C. 5. De Sponsa duorum

### S E C T I O . III.

#### *Quæ bona Consuetudinis exempla in Canone legantur.*

##### R E G U L A .

Non alia hujusmodi exempla in Canone leguntur, quam ista.

I. Quod Fideles Crucis signaculo se insigniant. C. 5. DIST. XI.

II. Quod Panis & Calix eo, quo fit, modo concrentur. *ibid.*

III. Versus Orientem adoretur. *ibid.*

IV. Quod Baptismatis Fons oleo benedicatur. *ibid.*

V. Baptisandi ungantur. *ibid.*

VI. Quod verbis Satanae & Angelis ejus abrenuntient. *ibid.*

VII. Quod inferior Judicis Officialis aliquid non immoderatum à Partibus accipiat. C. 15. CAUS. XIV. QUEST. V.

VIII. Quod die Dominicâ & diebus Pentecostes stantes oremus. C. 10. De Conf. DIST. III.

IX. Quod die Dominicâ non jejunetur. C. 14. 15. Ead. DIST.

X. Si Ecclesia, Res vel Privilegia acquirat Consuetudo. C. 8. CAUS. XVI. QUEST. III.

XI. Quod multo plus vini, quam aquæ, in Calice ponatur. C. 1. De Celeb. Miss.

XII. Quod, dum evenit Nativitas Domini die Veneris, eo die Carnes comedantur. C. 3. de Observ. Jejun.

XIII. Quod Domini Passio, Resurreccio, in Cœlum Ascensio, Adventus Spiritus Sancti anniverariâ Solemnitate ubique celebrentur. C. 11. DIST. XII.

XIV. Quod Abbas ex alterius Monasterii gremio assumatur, id postulante Monasterii, cuius fit Abbas, necessitate vel utilitate. C. 8. de Consuet.

### §. III.

#### *De altero Secunda Divisionis Membro, sive, Quæ notanda in Canone circa Consuetudinem malam.*

##### R E G U L A .

Non alia notanda, quam ista. 1. Quid sit mala Consuetudo. 2. Quæ exempla malæ Consuetudinis. 3. Quid faciendum circa malam Consuetudinem.

### S E C T I O . I.

#### *Quid sit mala Consuetudo.*

##### R E G U L A .

Consuetudo, cui unum ex sequentibus competit, juxta Canonem mala est.

I. Si Rationi adversetur. C. 6. DIST. IV. C. 1. DIST. XI. C. 3. de Consuet.

II. Si Veritati manifestata fit contraria. C. 4. 5. 6. 7. 8. &c. DIST. IX. C. 8. de Sent. & Re jud.

III. Si Jus Naturale vel Divinum iudat. C. 2. DIST. VIII. C. 13. CAUS. XXXII. QUEST. VII.

IV. Si Fidei officia. C. 6. 7. 8. 9. DIST. XI.

V. Si vitio faveat. C. 1. DIST. XLIV.

VI. Si Sacris Canonibus fit inimica. C. 3. 7. de Consuet.

VII. Si Legibus Humanis opponatur. C. 1. 4. DIST. XI. C. 5. de Juram Calumn.

VIII. Si Multorum Saluti nocere possit. C. 89. de Panit. DIST. I.

IX. Si

IX. Si in dampnum publicum vergat. C. I. CAUS.

XVI. QUÆST. VI.

X. Si irreligiosa sit, id est, Dei vel Sanctorum Cultui contraria. C. 2. de Conf. DIST. III.

XI. Si æquitati aduersetur. C. 10. de Confuet.

XII. Si sit contrà Ecclesiæ Libertatem. C. 49. de Sent. Excom. C. 1. de Confuet. quo damnatur Confuetudo gravamen Ecclesiæ inferens sine justâ causâ, quam restrictionem GONZALEZ in istud probat per Cap. 3. de Censib.

Nota omnia, quorum quolibet mala sit Confuetudo, reduci ad Jus Naturale vel Divinum lata; nam quod vitio faverit, quod rationi adversatur, quod Juri Naturoli opponitur, quod Canonibus vel Legibus inimicum, Jus Naturale & Divinum offendit, qua præcipiunt, ut Legislatori obediatur, sive Seculari sive Ecclesiastico; undè, quandiu iste reclamat, que contra Canones vel Leges sunt, involvunt inobedientiam à Naturali & Divino Jure prohibitam. Quod Fidem vel Veritatem manifestatam laedit, Jus Divinum itidem laedit, præcipiens, ut utrius Mens Humana se subjiciat; Læsio boni publici à Jure Naturali & Divino prohibetur; Quidquid Saluti vel Sacro Cultui nocet, Jus Divini infractionem involvit.

Nota etiam, quod eæ Confuetudines, que malæ non sunt, nisi quia Juri Positivo nondum abrogato adversantur, bona efficiantur, si Jus revocetur, vel si contrà illud legitime præscribatur.

## SECTO II.

*Quæ in Canone male Confuetudinis exempla, sive que prava Confuetudines in eo expèsè improventur.*

### REGULA.

Non alias pravas expèsè improbat Canon Confuetudines, quæm istas.

I. **Q**uâ Fideles immoderato Carnium esu ad Sacri Quadragesimalis Temporis observationem se disponunt. C. 6. DIST. IV.

II. Quâ commissiones & ebrietates in honorem Martyrum, tam diebus quibus solemniter coluntur, quam aliis, celebrantur. C. 1. DIST. XLIV.

III. Quâ aliquid exigitur pro Rebus Spiritualibus, sive prius, sive post illarum collationem. C. 15. CAUS. I. QUÆST. III.

IV. Quâ pro Sepulturâ pecunia exigitur, idque ne venalis Ecclesia dicatur: nevè Pastores de Humanis Mortibus gratulari videantur. C. 12. CAUS. XII.

QUÆST. II. C. 13. de Sepult.

V. Quâ Parochia cuique Ecclesiæ deputata convelluntur. C. 5. CAUS. XVI. QUÆST. LXIII.

VI. Quâ Rectores Ecclesiârum prædis, quæ ad se pertinere putabant, More Ficti titulos imprimebant, ac proinde suâ autoritate usurpabant, quod per Iudicem reposcere debebant. C. 1. CAUS. XVI. QUÆST. VI.

VII. Quâ publicè siebat Confessio peccatorum. C. 89. de Pænitentia. DIST. I.

VIII. Quâ Diebus Festiis Populi saltationibus turpiter invigilant, Cantica canunt mala, ac Religiosis Officiis perfistrepunt. C. 2. de Confecr. DIST. III.

IX. Quâ in Venereâ re usus naturalis invertitur. C. 13. CAUS. XXXII. QUÆST. VII.

X. Quæ Ecclesiæ gravamen non modicum inducit. C. de Confuet. C. 14. de Eleçt. C. 13. de Majorit. si sine justa causa fiat, ut in n. 12. Set. I.

Nota obiter, Bullam URBANI VIII. quâ Ecclesiam in suis Immunitatibus restituens, abolet omnes Confuetudines Ecclesiæ nocivas, in Galliâ non recipi: de hac FANGANUS fuse. in C. 1. de Confuet. à n. 49. ad finem usque.

XI. Quâ Populi Dictum in Caufis Ecclesiasticis pro Sententiâ tenetur. C. 3. de Confuet. GONZALEZ in illud citat plures alios Textus idem docentes.

XII. Quâ Sententia à non suo Judice fertur. ibid.

XIII. Quâ Rei Sacræ collatio fit ab eo, qui caret Ordine, cui reservatur. Cap. 4. de Confuet.

XIV. Quâ, durante Interdicto, altâ voce & pulsatis Campanis Divinae celebrantur Officia in locis Interdicto subiectis. C. 5. eodem Tit. Quod restringendum ad Interdictum justè latum, & ad Confuetudinem præsumpto Privilegio non innixam.

XV. Quæ disrumpit Ecclesiæ Disciplinae nervum. idid. in integrâ.

XVI. Quâ Vir, qui vitio suo dissipavit Bona sua, protest pro libitu Bona Uxor alienare. C. 10. de Confuet. Quod iniquum maximè, cum hinc fieret Uxor indotata, contrâ vetitum Rationis Naturalis.

XVII. Quâ Uxor, etsi adultera, medietatem Bonorum à Viro acquisitorum exigere potest. ibid. Repugnat Bonis Moribus.

XVIII. Quâ Eleætionis libertas tollitur. C. 14. de Eleçt.

XIX. Quâ Sacri Ordines extra Quatuor Tempora conseruntur. C. 2. 9. 11. de Temp. Ord.

XX. Quâ non Professi Beneficia Regularia acquirunt & possident. C. 27. de Eleçt.

XXI. Quâ Naufragorum Bona, navigiaque rapiuntur, nisi Piratae vel Hostes sint. C. 4. de Confuet. in 5. Collæct.

XXII. Quâ Suffraganei Metropolitano suo graviora jurant, quam alii suis. C. 13. De Maj. & Obed. si nullus subdit exceptionis locus C. 9. de Offic. Ord.

XXIII. Quâ Clericorum Causæ non juxta Canones, sed juxta Laicorum Confuetudines judicantur. (Hic Canon non servatur in Galliâ, ubi plurimæ Clericorum Causæ juxta Leges Regias judicantur.) C. 9. de For. Compet. in integrâ.

XXIV. Quâ, ultra probationem plenam, exigitur Juramentum. C. 9. de Probationibus.

XXV. Quâ Reis criminis convicti vel facilè convincendi, licet se probare insontes, purgando se per Testes fide indignos. C. 11. De Probat. in integrâ. Idem die de quavis Confuetudine, quâ Purgationes Vulgares approbantur. Toto Tit. de Purgat. Vulgar.

XXVI. Quâ, post admisso Testes Matrimonii nullitatem probantes, non recipiuntur Testes contrarii. C. 2. de Testib. & Att.

XXVII. Quâ Parochis non datur Congrua Portio ab iis, qui Decimas, aliosque Parochia proventus percipiunt. C. 20. de Preb.

XXVIII. Quâ Clerici Beneficia recipiunt, sine consenu Episcopi vel Officialium illius; Restringendus Canon ad Beneficia, quæ ab aliis pleno Jure non conferuntur. C. 3. de Instit.

XXIX. Quâ Archidiaconi Animarum curam committunt sine Episcopi autoritate. C. 3. de Instit. in 1. Col.

XXX. Quâ, intrâ Gradus prohibitos, Matrimonium contrahitur. C. 5. de Consang.

XXXI. Quâ Ecclesia reconciliatur per Presbyteros ab Episcopis commissos. (Nunc probatur hujusmodi Confuetudo.) C. 9. de Conf. Ecl.

XXXII. Quâ non licet celebrare in Majori Altari, nisi oriundo ex Stirpe Militari. C. 3. de Celebratione. in 5. Coll.

XXXIII. Quâ Judge Laicus in Ecclesiârum domibus placita teneat, de Rebus Secularibus judicet, hospitium sibi vindicet. C. 1. de Immun. Ecl.

XXXIV. Quâ pro concedendâ docendi licentiâ pecunia exigatur. C. 1. 3. de Magistr.

XXXV. Quæ absque mortali peccato servari nequit. C. ult. de Prescript.

XXXVI. Quâ Judices Ecclesiastici aliquid exigunt à Partibus præter expensas viçtualium, conveniuntque de Decimâ litis, aliave parte, solvendâ. C. 10. de Vit. & Hon. Cler.

XXXVII. Quâ Ludi Theatrales in Ecclesiâ & per Clericos fiunt. C. 12. de Vit. & Hon. &c.

XXXVIII.

XXXVIII. Quā ad quarumdam Ecclesiarum Beneficia soli Nobiles recipiuntur. (legitima habetur nunc ista Consuetudo.) C. 37. de Prab.

XXXIX. Quæ de radice Ambitionis processit, & in Cupiditate fundatur; qualis est, qua duo Beneficia incompatibilia simul possidentur absque legitimā dispensatione. C. 1. de Conf. in VI.

XL. Quā ab Officiali ad Episcopum appellatur. C. 2. Ead. Tit. & loco.

XLI. Quā in cessatione à Divinis Sanctorum Imagines in terram sternebantur & inter spinas ponebantur. Extendens Canon ad alios casus, in quibus idem similem quid fieret. C. 2. de Offic. Ord. in VI. §. si autem.

XLII. Quā non recipiuntur Legati Sedis Apostolicae non petiti, & de consensu non missi. C. 1. de Conf. Extravag. COMM. in quā JOANNES XXII. nedū illam damnat, sed etiam illam Sequentes excommunicat ipso facto, derogatque quibuscumque Indultis à Sede Apostolica in contrarium concessis. Non recipitur in Gallia, idque merito, ut ostendetur, dūm de Legatis.

XLIII. Quā Probationum facultatem angustat. C. 1. de Offic. Ord. Extrav. Commun.

XLIV. Quā pro Spiritualibus Homagium facere quis compellitur. Restrictio Regula ad res mere Spirituales, alioquin non servatur. C. Ult. de Reg. Jur.

XLV. Quā, cùm Electio alicuius Prælati fieri debet, Conventus, ad quem pertinet, duas Personas nominat latenter Patriarchæ vel Principi exprimendas, ut alteram eligant vel electionem casent irritentque. C. 14. de Elect.

XLVI. Quā Abbas exemptus, sine licentia Papæ, cui immediate subest, transferatur ad aliam Abbatiam. C. 7. de Conf. Autoritati Superioris adverfatur.

XLVII. Quā Laici cum Canonis Episcopum eligunt. C. 56. de Elect.

XLVIII. Quā Presbyteri usurpant, quæ sunt Ordinis Episcopalis. C. 4. de Conf. Quod maximæ egit expositione ad Tractatum de Sacram. Ordinis remittendâ.

### SECTIO III.

*Quid juxta Canonem faciendum circa malam Consuetudinem.*

#### REGULA.

Hæc facienda circa malam Consuetudinem ex Canone inferuntur.

I. **S**i ita inolevit, ut averti ab illâ Homines non possint, suo genio relinquendi sunt, ne forte Pejores existant, si à tali Consuetudine prohibeantur. C. 6. DIST. IV.

II. Ut pernicioса corruptela nedū vitanda, sed ciuitas & radicitus evelenda, ne ab Impiis in Jus Privilegiorum assumatur, ac sic varia Praesumptiones celerrime non compresca pro Legibus haberi, & Privilegiorum more celebrari incipiant. C. 3. DIST. VIII. C. 11. de Excessib. Prælat.

III. Quantumvis vetusta Ratione & Veritati semper postponenda est. C. 4. 5. 6. 7. 8. 9. DIST. VIII.

IV. Consuetudines onerofæ, que nec autoritatibus Scripturarum, nec Episcoporum Concilii ac Statutis, nec Consuetudine Generali roboretur sunt, quarum vix inveniri potest ratio, quæ introductæ sunt, quando facultas se obtulerit, refecanda sunt. C. 12. DIST. XII.

V. Mitius agendum in pravis Consuetudinibus extirpandis, cùm apud Multos receptæ sunt, ideoque non imperiose, sed benignè sunt amovenda. C. 1. DIST. XLIV.

VI. Non sunt negligenter omittenda, quæ male usurpantur, ne excelsus via aliis aperiatur. C. 21. DIST. XCHI. id est, quod hæc diligenter sunt reformata.

VII. Emendandum quod sola usurpatione vel sub receptione presumitur. C. 22. Ead. DIST.

Tom. I.

VIII. Consuetudo, si sit reprehensibilis, vel improbabilis, vel irreligiosa tollenda est. C. 1. CAUS. XVI. QUÆST. VI. C. 89. de Panit. DIST. I. C. 2. De Conf. DIST. III. idque curâ Sacerdotum & Judicium.

IX. Si Ecclesiis non modicum gravamen inducat, Judicis officio est abolenda. C. 1. de Conf.

X. Contrarias Ecclesiæ Libertari Consuetudines Introducens, introductas Servans, aut servari Curans, excommunicantur. C. 49. de Sent. Excomm.

XI. Qui ad excusandas execrationes in peccatis, majorem ex prava Consuetudine usurpat delinquendi licentiam, durius puniendus est. C. 11. de Excessib. Prælat.

XII. Sicut non servanda Consuetudo prava, ita nec juramentum, quo quis jurat illam servare. C. 1. de His, quæ sunt à maj. &c.

#### §. I V.

#### De Tertiâ Consuetudinis Divisione.

### SECTIO I.

*Quid sit Consuetudo Indifferens, & Quibus Notis dignoscatur.*

#### REGULA I.

Omnis Consuetudo, quæ neque est contrâ Fidem, nec contrâ Bonos Mores, indifferens est. Propriis ferè verbis habetur. C. 11. DIST. XII.

#### REGULA II.

Non aliis Notis dignoscitur Consuetudo indifferens, quam istis.

I. **D**iversa est pro Locorum diversitate. C. 8. DIST. XI.

II. Nec semper, nec ubique obligat. *Tota ferè* DIST. XII.

III. Obligat tantum pro eorum, quibuscum vivitur, societate. C. 11. DIST. XII.

### SECTIO II

*Quid sit faciendum circa Consuetudinem Indifferentem.*

#### REGULA.

Non alia circa hoc prescribit Canon, quam ista.

I. **L**oci, in quo sumus, Consuetudini standum est, unde juxta eam Lites judicanda. C. 8 DIST. XI. & alia ibid. C. 11. DIST. XII. & alia ibid. C. 2. De Conf. in integrâ.

II. Si sit onerosa, est abolenda. C. 12. DIST. XII.

III. Si Consuetudo Ecclesiæ Inferioris à Superiore Ecclesiæ, cui immediate subest, prohibeat, non est servanda. C. 13. 14. DIST. XII. C. 13. De Conf. DIST. II.

IV. Generalis Ecclesiarum Consuetudo sequenda est, nisi Privilegium aliquod ab illâ eximat.

Nota, nomine *Privilegii* hic intelligi posse quamlibet exemptionem ab Ecclesiis, de quibus agitur, approbatam, sive sit scripta, sive non scripta.

V. Romana Ecclesia Consuetudines ceteris paribus sunt aliis præferenda. C. 10. DIST. XII. secus vero, si alia magis convenient. C. 2. 3. 11. DIST. XI. C. 1. 2. DIST. XII.

VI. In eligendis Consuetudinibus, non judicandum de iis ex Loci, unde sumuntur, sed potius considerande sunt in se ipsis, ac ex ipsis de Loci judicandum. C. 10. DIST. XII. max cit.

Nota circa C. 11. DIST. XI. n. 5. citatum omnes ferè Ecclesiæ Occidentales servare Romanæ Ecclesiæ Consuetudines, quoad illud, circa quod illas servari jubet, nempe Consecranda Mysteria, ceteraque agenda Arcana: nam Missale Romanum, quod Mysteria Consecranda

cranda respicit, & Rituale itidem Romanum, quod cætera Arcana, scilicet Sacraenta, spectat, sunt apud earum plerasque usu recepta.

VII. Cùm in aliquâ Ecclesiâ erigitur novum Beneficium, eidem attribuenda sunt Prærogativa juxta Consuetudinem Vicinarum Ecclesiarum, que, si variæ sint, magis rationabilis aliis præferetur. C. 6. De Consuet.

VIII. Cùm diversæ sunt, præferenda est, qua à peccato removet ei, que peccato exponit. C. 6. in 1. Coll. De Spons. duorum ubi Matrimonium ratum præfertur Matrimonio consummato posteriori non obstante contrariâ Consuetudine.

IX. Consuetudo, cuius omissione scandalum generaret vel dissensionem, servanda est, modò id, de quo agitur, non sit ex se malum. C. 1. De Cognitione Spirit. C. 3. De Consang. & Aff.

X. In Decimis solvendis spectanda Consuetudo, & in dubiis ad eam recurrentum. C. 18. 20. 32. De Decim.

XI. In Procurationibus, Visitacionibus, aliis similibus, attendenda est Consuetudo. C. 14. De Censib. in integ.

### S E C T I O III.

*Quæ sint in Canone Consuetudinis Indifferentis exempla.*

#### R E G U L A.

Non alia sunt in Canone Consuetudinis Indifferentis exempla, quam ista.

I. Maxima Missæ & Sacramentorum, Ceremoniarum in Canone relatarum pars, quæ in Tractatibus de Missâ & de Sacramentis colligentur. De his fit mentio. C. 5. DIST. XI.

II. Quòd Jejunium Quadragesimæ incipiat à Quintagessimâ, sive pro Omnibus, sive pro Clericis tantum. C. 4. 5. 6. DIST. IV.

III. Quòd Sabbato jejunetur, vel non. C. 11. DIST. XII.

IV. Quòd communicetur quotidiè, vel certis tantum diebus. *ibid.*

V. Quòd hic, vel ille Ritus in celebrandis Divinis Officiis servetur. C. 13. 14. DIST. XII. C. 31. De Consec. DIST. II.

VI. Quòd Metropolitanus se invicem consecrent. C. 33. CAUS. XXIV. QUÆST. I.

Nota Omnes Consuetudines, quæ solam Disciplinam spectant, hic referri posse, idèoque si quæ hujusmodi inter bonas collocentur, quia ad Fidem vel ad Bonos Mores conferunt, vel aliâ de causâ, huc transferri licere.

VII. Quòd in Donationibus inter vivos, vel mortis causâ, Ecclesiæ factis Solemnitas Juris non servetur. C. 2. De Consuet.

VIII. Quòd Proximior possit intrâ annum & diem repeterre possessionem venditam à Propinquo, offerendo Emptori pretium, quod solvit. C. 8. De Restit. in integrum.

IX. Quòd Canonici Collatio à solo Capitulo fiat, Episcopo irquisito. C. 31. De Elect.

X. Quòd Archidiaconus excommunicare, suspendere, absolvere Presbyteros & Piores, Parochiales Ecclesiæ interdicere, inquirere, & visitare possit. C. 54. De Elect.

XI. Quòd idem habeat in Monasteriis jurisdictiōnem. C. 10. De Off. Archid.

XII. Quòd Patriarchæ & Primates jurisdictiōne gaudent in Subditos Archiepiscoporum & Episcoporum Patriarchatus vel Primatia. C. 8. CAUS. IX. QUÆST. III. C. 9. De Off. Jud. Ord.

XIII. Quòd Canonici à Capitulo corrigantur. C. 13. De Off. Jud. Ord.

XIV. Quòd Ecclesia Malefactores suos conveniat, vel coram Judice Ecclesiastico, vel coram Seculari. (Hoc non servatur in Galliâ, ubi Ecclesia hac in re est ejusdem conditionis, ac alii Actores.) C. 8. De for. compet.

XV. Quòd Festa à Vesperâ ad Vesperam, vel aliter celebrentur, quòdque Festum Trinitatis in Octavis Pentecostes, vel in Dominica Prima Adventus fiat. C. 2. De feriis.

XVI. Quod tertiam vel quartam partem habeat Episcopus de his, quæ Ecclesiæ legantur. C. 15. De Testam.

XVII. Quòd Parochus hanc vel illam portionem habeat de relictis Ecclesiæ à Parochianis suis extrâ Parochiam Sepulturam eligentibus. C. 9. De Sepult.

XVIII. Quòd filius Sacerdotis Græci in Sacerdotio legitime genitus, Episcopus eligi non possit. C. 6. De Cler. conjug.

XIX. Quòd Episcopo licet inquirere, punire, corriger Subditorum excessus, inconsulto Capitulo. C. 3. De Consuet. in VI.

XX. Quòd Antiquiores Canonicæ gradatim meliores possint, cùm vacant, per se vel per alios optare Præbendas, nisi vacent in Curiâ Româna. C. 4. De Consuet. in VI. hujus usus ratio est in C. 15. De Majorit. & Obed. jubente, ut Prior ordine, potior sit in portione percipiendâ. Nota obiter, quòd Consuetudines exurgentes ex præscriptione Superiorum contrâ Inferiores, rigorosè examinandas sint, quoties emergunt circa illas inter utrosque Controversiae.

#### P U N C T U M Q U A R T U M.

##### De Consuetudinis Vi.

Quatum de Consuetudine Punctum, illius vim reficiens, in 4. §§. dividetur. In 1. quæretur, A quo habeat vim suam Consuetudo. In 2. Quid possit. In 3. Quid non possit. In 4. An quæ sunt vi mala Consuetudinis, ista abrogata, abrogentur.

##### S. I.

*Unde oriatur Consuetudinis vis?*

#### R E G U L A.

Non aliundè haurit Consuetudo vim suam, quam ex Legislatoris consensu tacito vel expresso, aut ex ipsâ Lege.

Infertur ex. C. 9. & C. 11. De Consuet. in quorum Primo prohibetur Capitulo Parisiensi, ne novas Consuetudines in Ecclesiâ Parisiensi introducat sine consensu Episcopi Parisiensis, qui est illius Ecclesiæ Legislator: In Secundo vero declaratur, valere Consuetudinem legitimè præscriptam, id est legitimo tempore servatam, sive conscientia sive inscio Legislatore; nam præscribitur, vel inscio Domino, vel eo conscientia, sed negligente jus suum, cùm Lex nullibi ad id requirat Domini notitiam.

RATIO: Consuetudo est Lex, idèoque oportet, ut, ab Habente potestate Legis condenda quodammodo profiscatur; hoc autem tribus modis fieri potest, vel enim agitur de Consuetudine, quæ Legem aliquam abroget, vel de alia; si de Prima, requiritur consensus illius, qui Legem tulerat: Si de Secundâ, requiritur consensus illius, cuius est Legem condere in Loci, in quibus stabilitur Consuetudo; hic vero consensus dari potest vel expressè, ut cum Legislator sciens Consuetudinem stabiliri, illam expressè approbat; vel tacite, ut cum Legislator sciens Consuetudinem stabiliri, contrâ illam non reclamat: vel datus est ab ipsâ Lege, ut cum inscio alicuius Loci Legislatore, in eo Consuetudo stabilitur, tunc enim Lex consentit, ut, si legitimo tempore servetur, vim Legis habeat. C. 1. De Confit. in VI. supponit, Consuetudines quædque introduci ac stabiliri, inscio Legislatore, cùm causam afferens, cur Lex nova non deroger Consuetudinibus contrariis, nisi de illis expressè meminerit, dicat, hoc provenire ex eo quòd Legislator illas plerumque ignoret: hic consensus à Lege datum, differt à consensu, de quo prius dictum est, in eo quòd sit generalis & cadiat in quasvis Consuetudines Legislatori etiam ignoratas; ille vero sit particularis, cadatque in Consuetudines determini-

determinatas, ipsi Legislatori cognitas, eoque modo facilè conciliantur Juris Textus, ac Interpretes, qui contrarii esse videntur circa consensum Legislatoris ad institutionem Consuetudinis requisitum.

Hinc, cùm ejus sit solvere, cuius est ligare, ejusdem est Consuetudinem abrogare, cuius est statuere, unde fit, ut, quoties Legislator vult Consuetudines abrogare, iis expresse derogat Clausula adjectione non obstante quāvis Consuetudine C. 9. de Conf. in integ. quod docet ad Capitulum pertinere, ut immutet Consuetudines ipsum solum tangentes, quae ab eodem statui potuere.

Nunc inquirendum, quid Consuetudo possit vel non possit; sed priùs notandum, haberi in exemplis malæ Consuetudinis suprà collectis Quid Consuetudo non possit; in Exemplis vero Bonæ Consuetudinis itidem suprà collectis, Quid possit; ideoque hic tantum collecturi sumus loca, in quibus Canon expresse dicit, hoc vel illud per Consuetudinem posse vel non posse fieri.

## §. II.

*Quid possit Consuetudo, sive Generalis, sive Particularis, & quid circa istam expressè prohibetur.*

## REGULA I.

Non alia circa hunc Paragraphum in Canone expresse habentur, quam ista.

I. Prisca Consuetudine acquiri potest Jurisdicatio & Privilegium: hinc, cùm circa Dignitates diversæ esse possint Consuetudines, esse quoque possint ea cum Dignitatibus Prerogativa varia in diversis Ecclesiis. C. 6. De Conf.

II. Consuetudo determinare potest jura à Parochis Episcopis solvenda. C. 5. CAUS. X. Quæst. III.

III. Introducere potest, ut una Ecclesia, de gremio alterius Prelatum eligere teneatur. Idem dic de Abate erga Monasterium. C. 8. De Conf. C. 25. De Verb. Signif.

IV. Potest vis ejus ad Legis & Statuti interpretationem extendi; est enim optima utriusque Interpret. C. 8. De Conf.

V. Consuetudo rationabilis ac legitimè præscripta Juri Positivo sive Commune sit, sive Particulare, derogare potest. C. 6. & C. 11. Eod. Tit. C. 31. De Elec. C. 13. De For. Compet. C. 7. de Appel. §. denique. C. 3. De Conf. in VI.

Nota contrà quintum circa Consuetudinis vim exemplum, plures opponi posse Canones, talesque esse, qui infra citantur, & in quibus Consuetudo Canonibus vel Legi contraria nullius roboris esse declaratur: verùm Responderi posse, hos omnes Canones loqui de Consuetudine non rationabili, vel de eâ, que nondum legitimè præcripta est; nec aliâ tolli viâ posse apparentem hanc contrarietatem, cùm hic recurrere non licet ad Disciplinæ diversitatem, quæ ex Temporibus vel Locorum varietate oriatur. Semper enim & ubique agnitus est, Consuetudinem vim Legis habere, ut alibi ostensum est. Attamen, ut clarius Responso hac innotescat, ecce Canones, qui praefatam contrarietatem continent. C. 3. 7. De Conf. C. 5. De Juram. Cal. C. 1. 4. DIST. XI. C. 26. De Testib. & Attest. C. 3. De Celeb. Miss. in 5. Coll. C. 1. De His, quæ sunt à Prelatis &c. C. 3. De Donationibus. C. 1. De Conf. in VI.

Et cicà illos, aliosque similes Observa iterum, inter Canones quosdam esse (de Lege idem dico) qui Jus merè Humanum non inducunt, sed Jus Naturale vel Divinum exequuntur, idemque poenæ adjectione servandum curant, ideoque Consuetudinem, quæ talibus adversatur Canonibus, ut potè Juri Naturali vel Divino contrariam, omni prorsus vi carere: alios verò esse Canones Jus merè Humanum statuentes, eosque reclamare contrà Consuetudinem, donec legitime præscripta sit, eo planè modo, quo res pro Dominio suo reclamat, usque ad legitimam præscriptio-

Tom. I.

nem; ideoque sicut alienæ rei Possessor ante legitimam Prescriptionem injusus Detentor haberi potest, ita Consuetudinis non præscripta Observator, Canonis, cui adversatur, Transgressor judicari potest.

Observa 3. Consuetudinem, ut Jure Canonico sit legitimè præcripta, tria requirere 1. ut sit Rationabilis, qualis non est, quæ Juri Naturali vel Divino aduersatur. 2. est Spatiū 40. annorum. 3. Ut per illos annos inceptum usum Legislator non improbarit. Primum patet, ex his omnibus Canonibus, in quibus Consuetudo, quātūvis vetusta, declaratur Corrupta, quia vel Naturali vel Divino Juri aduersatur. Secundum infertur ex C. 25. De Verb. Signif. in quo Consuetudo probatur legitima ex eo, quod 40. annis duraverit, ex C. 4. 6. 8. De Praescript. quæ ad Praescriptionem 40. annos requirunt indistinctè, ideoque tam ad Legem, quād ad alias res extendi possunt. Tertium colligitur ex cit. C. 25. in quo Consuetudo probatur legitima ex eo, quod per 40. annos, per quos duravit, nil huic contrarium intervenerit. Colligiturex PANORMITANO in idem C. ubi requirit tacitum consensum ejus, cui præjudicatur, ut Consuetudo legitimè præscribatur. Consuetudo autem semper Legislatori præjudicat, cum vel factæ Legi deroget, vel faciendi jus usurpet.

VI. Efficere potest, ut Donatio, quæ alias non valeat, valeat. C. 3. De Donationibus.

VII. Obligare potest ad aliquid dandum pro Rerum Spiritualium receptione. C. 42. De Simon.

VIII. Dare potest aliis, quam Canonis, jus Episcopum eligendi. C. 50. De Elec. C. 3. De Causa poss. & prop.

IX. Personæ alias inhabili ad judicandum, ut Fœminæ, Jurisdictionem dare potest; Personæ vero ad id idoneæ illam dare potest in Casibus, in quibus illâ carebat. C. 4. de Arbitr. C. 1. 2. 5. De Off. Ord. in VI. C. 1. De For. compet. in VI. §. denique §. nec.

X. Consuetudo, etiâ mala, eximit à poena, quamdiu ab Ecclesiâ toleratur. C. 11. De Tempor. Ordin.

XI. Consuetudo antiqua, etiâ prava, veniam mereatur, illam bonâ fide Sequentibus. C. 2. & 9. pro ut refertur in Collect. 2. Eod. Tit.

XII. Superior potest vi Consuetudinis in non Subditum Correctionis jus aquirere. C. 13. De Off. Jud. Ord.

XIII. Antiqua Consuetudo præsentandi jus dare potest. C. 24. De Elec.

XIV. Longa annuam solvendi Pensionem Consuetudo ea continuandi obligationem parit. ibid.

XV. Efficere potest, ut Actor Rei Forum sequi non teneatur. C. 5. De For. Compet.

XVI. Festa introducere potest, illaque celebrandi modum determinare. C. 2. De Feriis.

XVII. Approbatâ Loci Consuetudine fieri potest, ut quoddam Instrumenti genus authenticum habeatur, id est fide dignum. C. 9. De Fide Instrum.

XVIII. Jus Visitationis & Procurationis aquirere potest Archiepiscopo in omnibus Provinciæ sive Ecclesiâ Regularibus, quam Secularibus. C. 16. De Praescript.

XIX. Consuetudine effici potest, ut Episcopo confidente Clericus de redditibus Beneficii sui proximo anno post mortem percipiendis disponat. C. 1. De Testam. in 2. Coll.

XX. Tanta est Consuetudinis vis, ut jura, quæ Archidiacono acquirit in Ecclesiâ sibi subjectis, minuere nequeat Episcopus, si aliundè justa sunt C. 2. De Exec. Prel.

XXI. Poterat alias Canonicos à residendo eximere per totum annum; nunc autem non potest nisi per tres Menses. C. 5. De Constat. C. 12. Sess. XXIV. CONC. TRID.

XXII. Efficere potest, ut Appellatio à Juge Laico ad Judicem Ecclesiasticum teneat. C. 6. De Appell. §. denique.

XXIII. Acquirere potest Archidiacono vel simili Vacantium in Diocesis Ecclesiastum custodianti C. 51. De Appel.

XXIV. Reddere potest aliquem inhabilem ad Dignitates Ecclesiasticas. C. 6. De Cler. Conjug.

h 2

XXV. Effi-

XXV. Efficere potest, ut Collatio & Præsentatio ad solum Abbatem pertineant. C. 6. *De His, que sunt à Præl. sine conf. &c.*

XXVI. Antiqua Consuetudo ab Apostolicâ Sede confirmata efficere potest, ut, quod fit à majori & saniiori parte Capituli, non valeat. C. 1. *De His, que sunt à Majori &c. in 2. Collect.*

XXVII. Antiqua Consuetudo alicui acquirere potest jus Regaliz & Custodiz in Ecclesiis & Monasteriis, quò Vacationis fructus percipiat. C. 13. *De Elec. in VI.*

XXVIII. Ex Consuetudine possunt Archiepiscopi in Suffraganeorum suorum Diœcessibus Officiale consitutere pro futuris Appellationum Causis. C. 1. *De Offic. Ordin. in VI.*

XXIX. Canonis vi Consuetudinis licebat cessionem à Divinis in Ecclesiâ inducere. C. 2. *de Offic. Ord. in VI.*

XXX. Consuetudinis vi licet Archiepiscopo Causas cognoscere, vel cognoscendas committere alibi, quām in Loci sibi à Jure Comuni comitis, 1. extrâ propriam Civitatem, 2. Diœcesim, 3. Diœceses, in quibus appellatum est. 4. Loca, in quibus Causæ consitunt. C. 5. *De Offic. Ord. in VI.*

XXXI. Consuetudo introducere potest, ut Vacatio- nis fructus pertineat ad Ecclesiæ Vacantium Col- latores, Præsentatores, vel Custodes. C. 9. *Eod. Tit. & loco.*

### REGULA II.

Non aliis in Casibus prohibet Canon particu- lares Consuetudines non malas, quām in istis.

I. In Divinis Officiis & Cantu Publico; standum est enim modo in Ecclesiâ Metropolitanâ servari solito. C. 11. *Distr. XII.* Non est in usu saltem in Galliâ.

II. In adhibendo psallendi ordine; unus enim & idem tenendus est in Matutinis vel Vespertinis Officiis, nec diversa, nec privata, nec Monasteriorum Consuetudines cum Ecclesiastica Regulâ pernasceri permit- tendæ sunt. C. 14. *ead. Distr.*

Notâ circâ hos Canones, Primum expressè subjicerre Monachos Ecclesiæ Metropolitanæ Disciplina quad Officia Publica: Secundum verò insinuare privatas circa Officia Consuetudines Monachos tunc habuisse, sed id vel de Officiis Privatis intelligendum; vel si de Publis, correctum esse à Primo, posito quòd Braccharenis Ecclesia Toletanae subjiceretur tamquam Pri- mati; nam BRACHARENSE CONCILIO, à quo desumitur Secundum, præcessit TOLETANUM XI. è quo educi- tur Primum; idèoque potuit ab ipso corrigi; vel aliam fuisse Ecclesia Braccharenis Disciplinam, quām Ecclesia Toletana: istudque probabilius, cùm CON- CILIO TOLETANUM fuerit Provinciale, idèoque locus non fuerit derogationi.

III. Quoad Jura Episcopo à Parochis persolvenda communis omnibus Diœcessis Ecclesiis Consuetudo est servanda. C. 1. *CAUS. X. Quæst. III.*

IV. In ordinandis Episcopis antiquus mos servan- dus. C. 20. *CAUS. XI. Quæst. I.*

V. In attribuendis Novo Beneficio prærogativis, non alias licet sequi Consuetudines, quām Vicinarum Ecclesiæ ejusdem Regni. C. 6. *de Conf.*

VI. In Electionibus aliis filiibus, Generalis alii- cuius Regionis Consuetudo cuivis Particulari est præferenda in eadē Regione. C. 31. *De Elec. in quo hujusmodi Consuetudo præfertur Juri Communi, quod majus est quāvis privatâ Consuetudine.*

VII. In Juramento à Suffraganeis Metropolitanâ præstanto, Generalis aliarum omnium Consuetudo aliquis Particulari præferenda est. C. 13. *De Major & Obed.*

VIII. Quoties Canon privatam præcipit servari Consuetudinem, qualis est unius Praelati erga aliquos in Districto suo sitos, huic contrarios eo ipso ser- vari prohibet, illius gratiâ, cui præjudicant. C. ult. *De Offic. Archid.*

IX. Circâ quantitatem portionis Mortuariis Curato debita, Regionis Consuetudo servanda est, nec licet sequi minus vel magis benignam, nisi consentiente eo, cuius intereft. C. 9. *De Sepult.*

X. In moderandis juribus Episcopo debitis circâ Ec- clesias, ad ejus jurisdictionem noviter translatas, Vicinarum Consuetudo est servanda, idèoque alia re- jicienda. C. 22. *De Censib. &c.*

XI. Circâ celebrationem Festorum & Jejunii obser- vationem. C. 2. *De Obser. Jejun.*

XII. Ecclesia suffraganea debet tenere & servare quod Beati Petri Sedem vel Metropolim suam sequi vi- derit & docere. C. 5. *De Sponsa duor.*

### S. III.

*Quid non possit Consuetudo?*

### R E G U L A.

Non alia circâ hunc §. in Canone expressè ha- bentur, quām ista.

I. Consuetudo justificare nequit Simoniam Jure Di- vino prohibitan, nec etiam quam Jus Ecclesiasticum verat, si contrâ eam reclamat Ecclesia. C. 15. *CAUS. I. Quæst. III.*

II. Consuetudo efficere non potest, ut in Causis Ec- clesiasticis Dictum Populi pro Sententiâ teneatur. C. 3. *De onus.*

III. Efficere non potest, ut Sententia à non suo Ju- dice lata valeat. *ibid.*

IV. Operari non potest, ut qua Jure Divino sunt Ordinis Episcopalis, à Presbytero fieri valeant. C. 4. *De Conf.*

V. Non potest minuere peccata, quæ tantò gra- viora sunt, quanto infelicem animam diutius detinent obligatam. C. 4. in Parte decisa C. 11. *Eod. Tit. C. 8. 9. 42. De Simon. C. 16. 21. 36. 39. 44. Eod. Tit.*

VII. Consuetudine quantumvis vetustâ non potest effici, ut pretium Temporale lictè exigatur pro re Spirituali, quales sunt ingressus in Religionem, Beneficiorum Collatio, Praælatorum institutio, seu intronisatio, Sepultura, Christis, Oleum Sanctum, Benedicatio Nubrium, aliava Sacraenta, Missa in possessionem, Canonorum Receptio. C. 8. 9. 42. *De Simon. C. 16. 21. 36. 39. 44. Eod. Tit.*

VIII. Consuetudine Laicis acquiri non potest jus Episcopum eligendi, idque, quia contrâ id reclamat Ecclesia. C. *Ad Audientiam in 1. Collect. De Conf. C. 56. De Elec.*

IX. Non poterat alias Consuetudo efficere, ut Cle- ricus coram Judge Laico pro crimine validè conve- niretur, idque, quia contrâ Ecclesia reclamat. Nunc potest, quia jamdiu desin Ecclesia reclamare, saltem in Galliâ. C. 8. *De Judiciis.*

X. Inferiorem à correctione Superioris eximere non potest Consuetudo. C. 13. *De Offic. Jud. Ord.*

XI. Efficere non potest, ut non Professus in Prio- rem eligi valeat. C. 27. *de Elec.*

XII. Archiepiscopus non potest, vi Consuetudinis, aquiriere jus utendi Pallio extrâ Provinciam suam.

XIII. Non potest derogare acquisto libertatis Pri- vilegio, nisi duret tempore ad illam derogationem necessario, nempe ad minus 40. ann. secundum Ca- nones. C. 8. *de Caus. Poss. in integrâ.*

XIV. Impedire nequit Consuetudo, ne qui Theolo- giam docent, quādiu docuerint, & qui student per quinquennium, Beneficiorum proventus percipere possint. C. Ult. *De Magist.*

XV. Efficere non potest, ut liceat Clericis esse vel Publicis Aleatoribus, vel Manifestis Usurariis. C. 11. *De Excess. Præl.*

XVI. Consuetudo, eti Generalis, efficere nequit, ut liceat eidem duas Præbendas habere. C. 9. *De Conc. Præb.*

XVII. Non poterat alias Clericum à Juramento Ca- lumnia

lumnia eximere; sed jamdiu tam Laicam quam Clericu m ab eodem exemit. C. 3. *De Fide Jusseribus.*

XVIII. Monachos, Monialesve à ferendo habitu Monachali liberare non potest. C. 2. *De Testam.*

XIX. Bigamus Clericalia Privilegia comparare non potest. C. unico *De Bigam. in VI.*

XX. Confuetudine introduci nequit, ut Capitulum Regulare visitare Episcopus solus teneatur. C. 1. *De Offi. Ord. EXTRAVAG. COMMUNI.*

#### §. IV.

*An Facta ex Consuetudine mala abrogentur cum ipsa.*

#### REGULA I.

Facta vi mala Consuetudinis non semper abrogantur cum ipsa, si sit tantum mala ex eo, quod Juri Positivo sit opposita.

Infertur ex C. 7. *De Consuet.* ubi huiusmodi Consuetudo abrogatur, sed Facta vi illius non reformatur; & ex C. 27. *De Elec.* ubi de abrogata longa Consuetudine, quæ Qui non professi Ecclesiæ Regulares possidebant, obligantur profiteri, vel dictas Ecclesiæ dimittere. Idem habes in C. 3. *De Elec. in 5. Compil.* Unde patet, quod receptio valebat, sed ea lege, quod Recepti profiterentur.

#### REGULA II.

Non aliis abrogatur viis Consuetudo, quam istis.

I. Si ipsi expresse Legislator derogat vel ipsius Superior. C. 1. *De Constitut.* & C. 10. *De Rescript. in VI.* C. 4. *De Consuet.* in VI.

II. Si 40. annis abstineatur ab actibus, quibus stabilita est. C. 20. *De Decim.* Nam Decima Personalis non desit nisi cessatione actuum, quibus fuerat introducta, & statuta: Idem dic de omnibus Consuetudinibus, quæ consistunt in aliquo faciendo.

III. Si per 40. annos contrarii fiant illis actus, quibus statuta est. C. 2. *De Observ.* Nam Consuetudo celebrandi Festum S. Bartholomei non est statuta nisi actibus contrariis iis, quibus opposita stabilita fuerat: idem dic de aliis similibus.

IV. Si in quibus faverit, ipsi renuncient. C. 25. in quo probatur valere adhuc Consuetudinem ex eo, quod illi, quorum intererat, non renunciarunt, præterea necessarius est istorum saltem tacitus consensus, hoc autem consensu fit abrenunciatio, de qua hic Sermo. Ad finem perduci eorum, quæ dicenda erant circa Consuetudinem, monendum duximus, quod inter Collectiones ad instar Decretalium compositas duas sunt, in quibus nullus est Titulus de Consuetudine, nempè illa, quæ Clementinas continet, & ea quæ consistat ex Extravagantibus Joannis XXII.

#### CAPUT III.

*Regule extractæ ex Methodo Generali compositâ à Patrono Causarum in Curia Parisiensi, & in lucem editâ Parisiis anno 1666. Ad intelligentiam Consuetudinum Gallie, & accommodata Juri Canonico tam Communi, quam Particulari.*

Regulae huiusmodi numero quindecim ita ad Juris Canonici interpretationem conferre vîsa sunt, ut eas Prolegomenis hujus Juris, mutatis mutandis, inserendas duxerimus, ne quid iis desit, quod ad illius Studium experti possit. Sed prius notandum, inter illas Regulas extare quasdam, quæ Juri, sive Communi sive Privato, congruant, quia respiciunt Legem sive Jus generatum consideratum; hic enim Jus & Lex idem significant: ejus generis sunt Reg. I. II. VII. VIII. IX. X. XIV. Aliæ vero convenient Juri Particulari, quia

Tom. I.

pertinent ad Jus speciatim sumptum, sive limitatum ad certa Loca & Personas. Huc spectant Ceterarum pleræque: Utrumque Regularum genus ex Jure Romano desumptum est, quod omnibus Nationibus commune fuit, aut ex illius Interpretibus, aut ex Expositoribus Consuetudinum Gallicanarum: id colligitur ex allatis ad Regulas probandas testimoniis.

Observandum etiam, quod sicut Jus Consuetudinum Provinciarum & Civitatum Gallie per plura scâcula fuit ad Posteros vivâ voce transmissum, & postea scriptum, ita & Jus Ecclesiasticum Provinciarum & Dieceſeon, nec non Capitulorum, & Monasteriorum; unde nonnulla Statuta vel Constitutiones ipsorum etiam nunc Uſus & Consuetudines nuncupantur: item sicut Consuetudines cujusque Provinciae vel Civitatis sunt illarum Jus Privatum, ita & Statuta vel Consuetudines cujusque Capituli, vel Monasterii sunt illorum Jus Particulare.

#### REGULA I.

*Consuetudines per ipsasmet explicandæ.*

Autor non loquitur de Corpore Consuetudinum, dicto Magnum aut Generale Consuetudinarium, sed de singulis Consuetudinibus, ex quibus Corpus hoc coaleſcit, & quarum Articuli seſe invicem explicant: hoc autem convenit Juri Ecclesiastico Communi, quod in Corpore Juris continetur. Canones, quibus constat, seſe mutuo illuſtrant, sunt veluti Articuli ejusdem, Constitutionis; omnes ſiquidem emanant ex eadem autoritate, Prælatique singuli, ex quibus illa extitit, conſiderandi ſunt tamquam una eademque Persona, quæ ſuam melius novit voluntatem, quam quivis aliis, non eſt fidelior Interpretes noſtræ intentionis, quam nos ipsi, Leges Legibus concordare promptum eſt. L. non omnes C. De Inofficioſis dotibus. Sapè ſepiuſ continet, ut, quod in uno loco obſcurum eſt, lucem accipiat in alio loco; quod præcedit explicat quod ſequitur, & ab eodem explicatur; Non eſt novum, ut priores Leges ad posteriores trahantur. L. Non eſt novum ff. De Legib. ſed & posteriores Leges ad priores pertainent. L. ſed & posteriores. ibid. Mox adductæ Rationes ab Autore deſumptæ ſunt, & inter illas nulla eſt, quæ Juri Canonicō, tūm Communi tūm Particulari, non congruat.

#### REGULA II.

*Quando Consuetudines obſcure ſunt, aut ambiguae, & per ſcipsas explicari nequeunt, conſiderandum illarum motivum & intentio.*

Voluntas Legis eſt illius præcipua Pars: cognoscitur autem 1. ex ipſius verbis, ſi clara fuerint. 2. ex illius ratione, quæ Legis anima eſt: Unde Regula 88. De Reg. Jur. in VI. Certum eſt, quod is committit in Legem, quæ Legis verba compleſtens, contrâ Legis nimirum voluntatem, ex Legibus Romanis deſumpta eſt: CANONIUS in illam Regulam Leges illas laudat, & refert.

Porrò Obſcuritas diſſert ab Ambiguitate in eo, quod iſta naſcitur ex varietate ſenſuum, quos ipſa locutio patitur; illa vero auferit cognitionem ſenſus.

#### REGULA III.

*Diſpositionibus Consuetudinum nihil addendum.*

Hoc convenit Statutis, quæ ſunt ſtricti Juris ut Consuetudines; attendenda que ſcripta ſunt, Statuta tantum diſponunt, quantum loquuntur: Contra artibus Statuta ut Consuetudines comparantur; ideoque Quod in illis non exprimitur, omiſſum de conſilio intelligitur; Quidquid aſtrinenda obligationis eſt, id niſi p. lām. exprimatur, omiſſum intelligendum eſt. L. Quidquid aſtrinenda. ff. De Verb. Obligat. ſi aliquam extensionem patiuntur, illa ſumenda à Statutis præcedentibus, aut ab aliis Articulis eorumdem Statutorum.

h 3.

REGU-

## REGULA IV.

*Quemadmodum non licet, quidquam Consuetudinibus adiicere, ita nec aequum est, ne quid ex eis dematur, sive dispositio, sive verbum, sive syllaba.*

Quod dictum de precedentibus, illam convenire Statutis, sicut & Consuetudinibus, idem dicendum de ista: Ratio, qua proibet, ne quid addatur, prohibet quoque, ne quid dematur: nihil in iis mutari potest, nisi adhibita eā autoritate, quā facta sunt, alias non possunt nec plus nec minus obligare.

## REGULA V.

*Consuetudo per non usum aboleri potest, sicut per usum introducta & stabilita est.*

Pleraque Consuetudinum dispositiones viguerunt, antequām scriberentur, illarum utilitas, experimen-  
to nota, ad illas in Scriptis redigendas induxit: eādem voluntate, quā introductus est usus, abrogari potest, juxta Regulam, *Per quascumque causas res nascitur, per easdem dissolvitur.* Dispositiones Consuetudinum sunt Leges, quas Subditū sibi imposuerunt, proprio commodo studentes, cui renunciare possunt, juxta Regulam, *Licitum est unicuique renunciare ei, quod in sui favorem introductum est.*

## REGULA VI.

*Consuetudines adeo sunt stricti Juris, ut ipsarum dispositiones, et si exorbitantes fuerint, & contrā Jus Commune; servande sint, quando in consuetudinem non abierunt.*

Ratio Regula poscit, ut ista habeat locum in Statutis; sunt enim stricti Juris. Excipiendi Casus, in quibus hujusmodi dispositiones adversarentur Rationi Naturali: hēc enim prævalere debet cuivis Statuto, quemadmodum cūcumque Consuetudini: Cūm Ratio Naturalis idem sit, ac Lex Naturalis, quā cūm superior sit omni Lege Humanā, nulla ex illis est, quā illi cedere non debeat, quotiescumque illi adversatur. *Dist. IX. tota.*

Excipiendi quoque Casus, in quibus dispositiones hujusmodi non sunt præcisæ & formales: tunc enim reducenda sunt ad Jus Commune, à quo recesserunt in iis, quā præcisæ habent. Ratio Civilis postulat, ut quod non exp̄resse comprehenditur in dispositione exorbitanti, remaneat subiectum Juri Communi. Subjicitur Regula, quod in exceptione non continetur: Jus verò Commune habendum ut Regula, dispositio Consuetudinis ut exceptio istius Juris. *Vides CANISIUM in Reg. 28. De Reg. Jur. in VI. Quæ à Jure Communi exorbitant, ad consequentiam non sunt trahenda;* ubi observat, quod, cum Jus Commune sit favorable, Statuta verò, Privilegia, aliaque Juris stricti, sint odiosa, ad illud, quantum fieri possit, interpretatione reducenda sunt, quā in eis obscuræ exprimuntur.

## REGULA VII.

*Accurate distinguendum, quod dicitur per modum limitationis & restrictionis ab eo, quod per modum demonstrationis secundum usum communiorum.*

Hēc Regula locum sibi vindicare potest tam in Jure Communi contento in Corpore Juris, quam in Jure Particulari contento in Statutis; siquidem posito, quod alterutrum dispositionem suam restringat ad certos Casus, illius extensio ad similes Casus non admittitur: è contrā, si dispositio nullo modo restringa-

tur, Casus verò expressi afferantur per modum exempli, quod demonstratio vocatur, extensio ad similes Casus recipitur. Restrictio verò denotatur per particulas taxativas, dumtaxat, solū, tantum, nisi, aliasve similes exclusivas: ubicūque autem non recurrunt hujusmodi particulae, Casus expressi referuntur per modum demonstrationis. Restrictio, quandōque nascitur ex ipsa rē naturā, etenim si odiofa sit, ut penæ, dispositio semper ad Casus expressos limitatur; cūm è contrā, si res favorabilis fuerit, dispositio excurrit ultrā Casus expressos, ad omnes scilicet similis generis vel speciei. Dispositionis Ratio expressa facit etiam, ut ad similes, in quibus ipsa ratio cadit, dispositio quoque extendatur.

## REGULA VIII.

*Ubi Consuetudo non distinguit, nec nos distinguere debemus.*

Regula hēc cuique Juris speciei convenit; sensus illius est, quod standum sit dispositioni Juris, admittendæ talis qualis est, nec extendendæ ultrā, quam ratio illius illam extendit, nec restringendæ citrā, quam eādem ratione restringatur. Distinctiones capitole rejiciendæ. Alter sentiendum foret, si distinctionis ab unā Lege omessa, ab aliā Lege suppleretur. Siquidem omnes Leges unum Corpus conficiunt, & posterior restringere potest anteriorē, adjectis distinctionibus non expressis in anteriori.

## REGULA IX.

*Verba Consuetudinum explicanda sunt juxta propriam, naturalem, & ordinariam significationem, aut illorum usum, aut secundum mentem & intentionem ipsarum.*

Nihil est in hēc Regulā, quod cuique Juris speciei non conveniat. Sed Prima Pars Statutis magis congruit; sunt enim stricti Juris, idēque verba scrupulōsius pensanda: idcirco laudata ab Autore autoritates ad hujus Partis expositionē, de Statutis speciatim loquuntur.

Cū Verba plures diversasque significaciones habere possint, juxta qualitatem Argumenti sive Materiæ, juxta Locorum usum, Temporūque mores, interpretanda sunt, idēque diligentissime inspicientia sunt omnes singulæque hē circumstantiæ, ut in illorum interpretatione omnis error vitetur. Jus Commune verba accipit in sensu communiori. *Cap. 7. De Sponsal. & Matrim.* eoque modo fraudibus obviat. Ex hē Observatione excipiendi sunt Contractus, ubi verba obscura interpretanda sunt in detrimentum Partis, iis utentis; jubente *R. 57. in VI.* ut contrā eum, qui potuit Legem apertius dicere, interpretatione fiat. Extant ibidem tres aliae Regulae, quā eamdem interpretationem verborum respiciunt, nimirūm *R. 30. 45. & 49. Vide CANISIUM in 30.* qui cum ista, simul illas explicat.

Tertia Pars lūprā exposita est in expositione Regulae II.

## REGULA X.

*Exceptio firmat Regulam.*

Convenit quoque hē Regula cuivis Juris speciei: Ratio ipsius est, quod Legislator excipiendo non nullos Casus, manifestat se velle, ut Lex servetur in singulis Casibus non exceptis: indē fit, ut exceptio non admittat exceptionem; quod enim in exceptione non comprehenditur, remanet, & includitur in Regulā, attamen exceptio ad omnes Casus similes extenditur. *FAGNANUS in Cap. Officii. De Pænit. & Re- miss. n. 42.*

REGU-

## REGULÆ XI.

*Quando Dispositiones Consuetudinum Juri Communi conformes sunt, recipiunt omnes explicaciones, limitaciones, extensiones Juris Communis.*

Locum sibi vindicat hæc Regula in Statutis, quando illorum dispositiones Juri Communi consentiunt; Ratio hujus Regula est, quod Dispositiones Juris Communis, ubi cùmque reperiuntur, retinent naturam suam, ideoque licet sint in Statutis, qua sunt stricti Juris, efficiunt, ut quod Juri Communi convenit, Statutis quoque congruere debeat in iis, quæ communia habent, cum Jure Communis; nec enim Statuta sunt Juris stricti, nisi in iis, quæ à Jure Communi exorbitant, in ceteris ejusdem conditionis sunt, ac Jus Commune.

## REGULÆ XII.

*Dispositiones Consuetudinum cessant roburque suum & autoritatem amittunt, quando iisdem derogatur per Edicta & Ordinationes Regias: immo sine derogatione expressa, quotiescumque Edicta Ordinationesve Regia attinent ad Regulamentum Generale Justitiae, administranda Discipline, Politique Regni.*

Quod hic dicitur de Consuetudinibus, convenit Statutis, qua simili derogationi subjiciuntur: quod verò de Regno Franciæ, ad alia Regna extenditur: quod autem de Legibus Sacerularibus Universalibus quoad Ditionem Legislatoris Secularis, vim suam habet in Canonibus Generalibus sive Ecclesiæ Universalis, sive Ecclesiæ Particularis autoritatem habentis in Statuta; in iis derogatio expressa requiritur, quia Statuta specialia sunt facta, que ignorari possunt à Contento Canones. Cap. 1. De Constit. in VI. Hinc quotiescumque CONCILIUM TRIDENTINUM derogare voluit Statutis, Clauſulæ expresa iis derogavit; aut aequipollente, Qualis est ea, qua derogat his, quæ suis Dispositionibus aduersantur Cap. 1. Sess. XXIII. Cap. 12. Sess. XXIV. De Ref. Cap. 1. De Constitut. in VI. iam laudatum postulat derogationem expressam; patet his verbis, nisi expresa caveatur in ipso, sed Derogatio aequivalens quodanmodò expresa est, cùm notum faciat, voluntatem Ecclesiæ esse adimendi vim, cuicunque Dispositioni contraria. Porro Ordinationes Regia, quæ statuere volunt Juris uniformitatem quoad nonnulla Capita in toto Regno, derogare solent cuicunque obstanti Dispositioni:

## REGULÆ XIII. XIV. XV.

Prætermittenda essent hæc tres Regula; quia, eti Statutis accommodari possent, illarum applicatio latius naturalis seu genuina non foret, ac operis labor illius utilitatem excederet. Sed, cùm circà illas nonnulla observanda sint, conveniens videtur, ut infra referantur prout jacent, id enim necessarium ad intelligentiam illorum, quæ de illis notanda sunt.

## OBSERVATIO IN REGULAM. XIII.

Juxta Regulas contentas in Dist. XCV. XCVI. & in Tit. de Major & obed. circà subjectionem Inferiorum Superioribus suis, Statuta Ecclesiarum Collegiarum, qua imperfecta sunt, perficienda essent, reductione ad Statuta Ecclesiæ Cathedralis; & Statuta Cathedralium Ecclesiarum, similem defectum patientia, reductione ad Statuta Ecclesiæ Metropolitanæ: æquum siquidem est, ut Ecclesiæ Inferiores Superioribus conformentur. Hinc CONCILIUM AQUENSE celebratum an. 1585. Tit. de Capitulis Iusti, ut Statuta Ecclesiarum Cathedralium totius Provinciae redigerentur ad formam Statutorum Ecclesiæ Metropolitanæ. Hujus Decreti ratio: quod Ecclesiæ Suffraganeæ plerumque Fidei accepérunt ab Ecclesiæ Metropolitanæ, quæ cense-

tur aliarum Mater, proindeque conveniens est, ut ab eadē recipiant quoque Disciplinam. Quoad verò Capita, quibus provisum non est à Statutis Ecclesiæ Metropolitanæ, bonus ordō postulat, ut ea à Jure Communi hauriantur, quod comparatum cum Jure Particulari idem planè videtur, quod Fons erga Rivilos

Hujus autem REGULÆ XIII. hæc sunt Verba. *Quando Consuetudo est imperfecta; & non continet omnes Dispositiones necessarias ad decidendas Questiones occurrentes, recurrendum est. 1. Ad Usum Provinciae. 2. ad Ordinationes Regias. 3. ad Consuetudines Viciniores. 4. ad Mentem Generalem Consuetudinum Gallie, & præserim Consuetudinis Parientis: postremò ad rationem Juris Romani.*

## OBSERVATIO IN REG. XIV. quæ sic se habet.

*Dispositiones Consuetudinum sunt Personales & Reales, aut Mixtae.*

Statuta, ut & Consuetudines, esse possunt Personalia, Realia & Mixta. Personalia sunt, quæ respi- ciunt obligations seu Officia Personarum; Realia sunt, quæ spectant Administrationem Canonum Ecclesiasticorum; Mixta, quæ comprehendunt Personas & res simul; sed plerumque Personalia magis sunt, quam Realia, quia ad Officia Personarum præcipue attinent;

## OBSERVATIO IN XV. REGULAM. Hæc ferentem.

*Dispositione Hominis cessare facit, Dispositionem Consuetudinis.*

Hæc Regula respicit Dispositionem Bonorum Temporalium Sacerularium in quibusdam Contractibus praescriptam à Consuetudine, data tamen Contrahebitus facultate, aliam inter se faciendi, quibus Casibus Provisio Hominis prævalere debet, Provisioni Consuetudinis.

Hinc patet, illam non convenire Statutis Ecclesiasticis, quorum non est praescribere modum disponendi de Bonis Temporalibus.

Præterea non contingit, quod hujusmodi Statuta relinquent Subditis facultatem plus minutiæ faciendo, quam præcipiunt; ideoque, quoad illa, dici non potest, quod provisio Hominis cessare faciat Provisiōnem Consuetudinis, sive Statuti.

## TITULUS XII.

## REGULÆ

*Circà Canones non servatos, quibus ab aliis se- cernuntur ostenditurque, illos non esse omnino inutiiles.*

UTILLISSIMUM Juris Canonici Studium non pauci negligunt, illud miseræ animi præoccupatione inutile existimantes: hunc in errorem labuntur varias ob causas. Vident, aut audiunt plurimos Canones hoc in Jure contentos non servari, sive quia nunquam recepti sunt, sive quia recepti in defuetudinem abierunt, putant Canones, qui non sunt in usu, ita cum aliis permixtos, ut fine maximo labore, cuius sunt re vel voluntate incapaces, discerni non valeant. Judicant memoratos Canones ad alia, ut ad id, proper quod conditi sunt, æquè inutiles.

Ad avertendam ergo tantam à Jure Canonico injuriam, tria ad id necessaria præstanda suscipimus. 1. Palam faciemus unicā Regulā, Canonum non servatorum numerum longè minorem esse, aliorum numero, ideoque, non magis deferendum esse Juris Canonici Studium, ob quosdam non servatos Canones, quam Legum Studium, ob nonnullas inobservatas Leges. 2. Paucis Regulis ostensuri sumus, Canones non servatos, ab aliis facile discerni posse.

h 4

3. Non-

3. Nonnullis aliis Regulis, predictos Canones, ad alia, propter quae non sunt conditi, nonnulli conferre monstrabimus.

Sed prius unā aut alterā Regulā discutiemus, An omnes Canones non servati, sive abrogati; Quomodo abrogati Canones ab aliis non servatis, sed non abrogatis distinguuntur. Denique An omnes Canones, qui non servari dicuntur, reverā non serventur.

### REGULA I.

Non omnis Canon non servatus, est abrogatus.

RATIO sunt plurimi Canones non servati, reclamante Ecclesiā, cuius tamen consensus tacitus vel expressus ad Canonum abrogationem requiritur. Tales sunt, qui Clericis omnibus præcipiunt, ut togam talem gestent; ne calamistrati incendant; ut ab alearium lūfū, tabernis, popinisque nec non venatione abstineant; nam pluribus in Locis Canones hi non servantur, sed Episcopi reclamant, dum Canones hos suis Constitutionibus in dies innovant. TIT. de Simon, quoad plura Capita, TIT. de Usuris, quoad penas Fœnectorum, confirmant Regulam non minūs, quam TIT. de Clero Venatore, & TIT. de Vit. & Honest.

Sunt etiam Canones nonnulli inter non servatos, qui ab usu contrario, etiam si taceret Ecclesia, non possint aboliri; Tales sunt, qui res à Jure Divino vel præceptas, vel prohibitas, jacent, vel vetant: hinc Canones præcipientes, ut Horæ Canonicae devotè, studiosè, & attente recitentur; ut Sacramenta dignè admistrentur & suscipiantur; ut Missa sine voluntariâ mentis divagatione audiatur; ut diebus Dominicis, aliisque Festis à quibuscumque malis operibus abstineatur, nunquam abrogari poterunt.

### REGULA II.

Ut Canon per usum contrarium abrogetur, non alia requiruntur, quam ista.

I. Ut sit rationabilis, id est Bonis Moribus non aduersetur. Cult. de Consuet.

II. Ut sit legitimè præscriptus, id est ut à 40. annis vigeat, non reclamante Ecclesiā. ibid.

III. Ut sit communis, id est Ecclesia Universæ; si de abrogatione Universali agatur: vel totius Nationis; si de abrogatione factâ in Ecclesiâ Nationali; vel totius Provincie vel Diccefisi; si de abrogatione factâ in Provincia vel in Diccefisi aliquâ sermo sit. ibid.

### REGULA III.

Canon non servatus differt ab abrogato in eo, quod posterior non liget, prior vero liget.

Patet ex dīcis. Nam per Canonem non servatum intelligimus illum, qui præteritur reclamante Ecclesiâ, cuius autoritas ad abrogationem requiritur.

### REGULA IV.

Non omnis Canon abrogatus, quoad aliquid, est quoad cetera abrogatus.

RATIO: sunt, qui subsunt, quoad substantiam, licet abrogentur, quoad penas. Inter Canones de Usuris, vel de Simonia, plurimi sunt abrogati, quoad penas.

### REGULA UNICA.

#### CIRCA CANONUM NON SERVATORUM NUMERUM.

Canonum non servatorum numerus cum servatorum, vel servandorum numero comparatus minimus est.

Patet Regula ex eo, quod longè major sit numerus Canonum, qui ad Dogma vel ad Mores pertinent, quam eorum, qui ad Disciplinam: nam Canones, quibus constat Ius Canonicum, vel è Concilis, vel è Pontificum Decretalibus, vel è Patrum Scriptis desumpti

sunt: atqui Conciliorum præcipui fines sunt Fidei Quæstionum Definitio, & Morum Reformatio; Pontifices saepius consulti sunt circa Fidem & Mores, quam circa Disciplinam; Patres parum curarunt de Disciplinâ, multum de Fide & Moribus: plures ergo sunt Canones, qui respiciunt Fidem & Mores, quam qui Disciplinam tangent.

Primi autem generis Canones servantur, aut servandi sunt. Secundi vero generis Canonum longè plures servantur, quam non servantur.

Quod postremum ostendere licet dupli exempli. Alterum defumitur ē VI. *Decretalium* in Galliâ non recepto, cuius plures Canones ad Disciplinam spectantes servantur in Galliâ, quam non servantur: nam nihil magis ad Disciplinam, aliave ad Judicia pertinientia spectat, quam ordo in Judiciis servandus, & plures sunt Canones, qui illum respiciunt, cum totus Secundus Liber, & bona Pars Primi & Quinti nonnulli ad insumantur: hæc autem in Galliâ servantur, ut Gallicanum Judiciorum ordinem cum Bonifaciano conferenti clare patebit: hoc etiam à Viro Utriusque Juris peritissimo observatum est, & ab illo hanc observationem non ita pridem accepimus. Alterum ducitur ē CONCILIO TRIDENTINO in Galliâ similiter non recepto, cuius Pars major Decretorum, quæ spectant ad Disciplinam, in Galliâ servatur, cum pleaque de Reformatione Decreta, quæ ut plurimum Disciplinam respiciunt, ibidem servantur.

Jam tempus adeo colligunt Regulas, quibus non servati Canones ab aliis fecerantur; sed cum plurima & varia sint ea, circa quæ versantur colligenda Regula, divisionis præfido egemus, ut confusione vitemus; Argumentum ergo istud dividemus in Personas, Res, Loca, & Judicia. Personas vero subdividemus in Personas Ecclesiasticas, Regulares & Laicas; Personas Ecclesiasticas in Pontificem, Archiepiscopum, Episcopum, Archidiaconum, similesque Praelatos, & Inferiores Clericos; Res autem in Spirituales & Temporales; Spirituales in Officia Divina, Missam, Sacraamenta, & Beneficia. Colligendas Regulas ad Gallorum usum, quandoque restringemus, quia aliorum mores nobis ignoti sunt, nec perquirere vacat. Hujus autem Collectionis exemplum unicum hic afferemus, cetera daturi, Deo juvante, loco congruentiori.

### REGULÆ.

*Circa Canones non servatos, qui Summum Pontificem tangunt.*

### REGULA I.

*Non servantur in Galliâ Canones, qui absolu tam in Ecclesiâ Potestatem Summo Pontifici tribuunt.*

Hinc non servantur Canones, qui quoquo modo indicant

I. Posse illum Causas, quaslibet Ecclesiasticas ad se evocare fibique reservare.

II. Posse Beneficiorum, quæ voluerit, dispositionem sibi vindicare.

III. Posse unire, vel supprimere, aliudve simile facere, in Formâ Gratiosa, id est non Deputatis in Locis, Commissariis, qui de necessitate, vel utilitate inquirant, audiantque eos, quorum interest.

IV. Posse alienis Subditis Litteras Dimissorias dare ad Ordines, vel sine Dimissoriis ad Ordines illos admittere.

V. Posse alienos Subditos ab Ordinariorum Jurisdictione pro voluntate suâ eximere.

### REGULA II.

*Non servantur in Galliâ Canones, qui nonnullis in Casibus Summo Pontifici in Principum Temporalia tribuunt Potestatem,*

Hinc

Hinc non servantur in Galliâ Canones, qui quocumque modo docent illum posse

I. Principes deponere.

II. Principis à Sede depositi Ditionem alii, cui voluerit, dare.

III. Princi ad gubernandum inhabili Coadjutorum vel Tutorem aut Curatorem dare.

Quam plures hic aliae circa Summum Pontificem aduci possent, qua cum Regulis circa cetera præfata Divisionis Membra congruentius collocabuntur. Nunc præstat plurimis exemplis ostendere, quibus usibus Canones abrogati inservire possint.

#### REGULA GENERALIS.

#### CIRCA CANONUM ABROGATORUM UTILITATEM.

Nullus est Canon abrogatus, qui ad Theoriam, vel Praxim Juris Canonici, vel ad Historiam Ecclesiasticam non inserviat.

C. 2. §. Paulatim. Dist. VII. Necessaria dicitur Legum abolidarum notitia.

Patet Regula sequentibus exemplis, quoad Primam & Secundam Partem: nam quod Tertiam non eger probacione: manifestum est enim, Canones abrogatos docere saltem quid tali Tempore heret, vel non heret, in tali, vel tali Loco, à talibus vel aliis Personis; sed antequam exempla afferamus.

Notandum est 1. hic dici Canones ad Theoriam inservire, quando docent qua ad illius, vel istius, in se spectati Jurisdictionem vel Potestatem pertinent; ad Praxim vero, quando quid faciendum sit, docent.

2. Canones ad Praxim utiles, ad Theoriam posse conferre.

Ad Exempla veniamus.

Vel Canones abrogati respiciunt modum agenda Pœnitentia, eamve redimendi; & utiles sunt ad Praxim; docent enim quanta sit peccati gravitas; quæ ratio habenda sit hujus gravitatis in Pœnitentiâ imponendâ: quo Jure certis in caibus probentur Pœnitentes ante Absolutionem, iisque Eucharistia denegetur, donec satisfacere coepirint.

Vel Canones abrogati tangunt communem Ordinariorum Jurisdictionem per Exemptiones Romanas diminutam; & ita ad Theoriam pertinent: monstrant etenim, qua Ordinarii in se considerati possint; quæ sit potestas illorum, qui has Exemptiones concesserunt.

Vel spectant ad Exemptiones usu contrario aliâ viâ abolitas; & Iste ad Theoriam etiam inserviunt, cum ostendant, quid possint illarum Exemptionum Autores; quid valeat Confuetudo.

Vel respiciunt non servatas ad Episcopatus, Abbatisve Electiones; & Iste ad Praxim etiam utiles sunt, quia hujusmodi Electiones adhuc vigent quibusdam in Locis, & quæ præscribuntur circa istas, servari possunt & debent in Monasteriis, in quibus Electione sunt Superioris, nec non in Electione imperfectâ, quæ in Capitulo Beneficia dantur, quæcum Collatio dicitur, quibusdam tantum exceptis, quæ facienda à Superiori Electionum confirmationem tangunt.

Vel eligendi modos tam per Inspirationem, quam per Compromissum spectant; & Hi sua non carent utilitate; nam præterquam quod Papa eligi possit per Adorationem, qui eligendi modus respondet eligendi modo per Inspirationem, & Electio per Compromissum adhuc fieri possit in Locis, in quibus Concilium Tridentinum receptum non est, Quæ de Compromisso ad eligendum dicuntur, ad alia Compromissorum genera extendere licet.

Vel Canones abrogati loquuntur de Beneficiorum Reservationibus; & Iste ad Praxim quoque conferunt; nam præterquam quod Reservatio Beneficiorum Vacantum in Curia, est adhuc in usu; Regalia est quedam Reservatio Beneficiorum, quæ vacant, dum Ecclesia Episcopalis viduata est Pastore.

Vel agunt de Mandatis ad Vacatura, sive de Gratias Expectativis, & Iste ad Praxim etiam conducunt; nam Graduatorum & Nominatorum ab Universitatibus Privilegia, Indulta à Rege concessa pro Juramento Fidelitatis ab Episcopo præstito; vel pro fausto ad Coronam adventu, Indulta quoque Magistris Supræ Parisiensis Curia data, sunt quedam Gratia Expectativa iis, quas alias Papa dabant, consimiles, ut patet ex Comparatione inter utrasque inita & Tractatu de Rescriptis adjunctâ.

Vel Ecclesia Bonorum in partes Quatuor Divisionem, quarum una Episcopo, alia Clero, alia Ecclesiastarum reparationi, alia Pauperibus dabatur; & isti ad Praxim multum juvent; docent enim de Beneficiorum redditibus, cum sint eorum Bonorum Pars Beneficii Possessorum administranda concredita, simile quid faciendum.

Vel tractant de Dispositionibus ad Sacraenta alias requisitis, nunc autem non necessariis, vel de similibus rebus; & Iste ad Theoriam utiles sunt, monstrant siquidem, quod possit Ecclesia nonnulla Sacramentis æccidentia confituisse & abrogare; ad Praxim etiam conferunt, excitant etenim ad debitum Sacramentis honorem majori cum devotione exhibendum.

Vel spectant abolitas quasdam Dignitates, seu Ordines Ecclesiasticos, qualis erat Corepiscopatus; & Hi ad Praxim non sunt inutiles, quedam enim Corepiscoporum jura ad Decanos Rurales transierunt: ad Theoriam quoque conferunt, cum hinc paterat, quid circa Ordines Minores Corepiscopatui multo Inferiores, Ecclesia facere possit.

Vel tangunt amissa jura, vel munia ad Archidiacanatum similesve Dignitates alias pertinentia, quales erant omnium Ecclesie alicuius Bonorum Administratio, eorumque ex Episcopi Conscientia vel Mandato distributio, ad Archidiaconom pertinentes; & Hi partim ad Theoriam, partim ad Praxim faciunt; ad Theoriam, docent siquidem, quid possit Ecclesia circa Dignitates ab ipsa institutas; ad Praxim, quæ enim circa hujusmodi Administrationem statuta erant, Capitulorum Administratoribus accommodari possunt.

Vel Jurisdictionem, quæ alicubi ad Judicem Seculari pertinet, Judici Ecclesiastico tribuunt; & Hi ad Praxim conferunt, si Judex Ecclesiasticus eos interpretetur de curâ à se adhibendâ, ut id, de quo agitur, fiat ab his, ad quos spectat. Idem quoque si, ut par est, agnoscat, Judicis Ecclesiastici culpæ nonnihil imputandam esse Jurisdictionis Ecclesiastica Diminutionem.

Vel respiciunt cautelas olim adhibitas ad injustas Lites impediendas; qualis erat Juramentum calumnia, quo in exordio litis Actor jurabat, se non vexandi animo litem movere, Reus vero se putare, bona uti infantia: & Iste Canones ad Praxim juvent. Hinc enim discutit, quæ Lites injusta abhorrendæ sint, & quo studio illas Judices à suo Tribunal longius evocare debent.

Vel pertinent ad Ordinationem, Conjugiumve Servorum, & Utrique ad Praxim conducunt, nam Primi docent non Ordinandum Rebus Temporalibus, vietiæ Implicatum, Iste vero monstrant, quid circa Filiorum-familias Matrimonium, faciendum sit.

Vel Servos, quoad Bonorum Possessionem, Dispositionemve, eorumque erga Dominos subjectionem respiciunt; & Iste Praxi inserviunt, quia extendi possunt ad Monachos, qui Servis sunt similes quoad Bonorum Possessionem, vel Dispositionem, & subjectionem erga Superiores.

Vel tangunt Purgationem Vulgarem alicubi aliquando permissem; & Iste docent, quantum in necessitate à Deo sperandum, cum tantum creditum sit, ab eo sperandum extra necessitatem; idèoque Praxi utiles sunt: ad Theoriam quoque conferre possunt. Hinc enim etiam discutit Ecclesiæ Particularæ errare posse: cum à talibus prædicta Purgatio probata fuerit.

Vel respiciunt usum abolutum, quo se purgare Coactus, tenebatur secum habere certum Aliorum paris conditum.

conditionis numerum, qui jurarent, se credere, eum, qui se purgabat, verum jurare, quique Compurgatores dicebantur; & Ipsi Canones, ut abrogati considerati, Praxi etiam inserviunt; docent enim locum non dandum perfirio: Si vero, prout viguerunt, spectentur: ad Praxim quoque conferunt: cum hinc pateat quantum juramento tribendum, ac etiam qua cura adhibenda, ut Ministro Sacro fama laesa restituatur, vel si restitui nequeat, ab Officio amoveatur.

Vel eximunt Clericos à Jurisdictione Seculari; & atrovent illos ad vitam Statui congruentem agendum, ipsis in memoriam revocantes, se per corruptos mores Privilegium hoc similiave perdidisse, quæ sua ad Divinum Cultum Consecratio, vitaque huic Consecratio conformis sibi comparaverant, ac proinde bonis inoribus maximè profund.

Vel prohibent Laicis Beneficiorum Collationem, & isti ad Theoriam & ad Praxim pertinent: Ad Theoriam, docent enim quid possit Ecclesia circa hujusmodi Res, cum olim veteriter omnibus Laicis quod postea quibusdam permisit: Ad Praxim, demonstrant enim Beneficiorum Collationem esse rem admodum periculosam, atque exigentem in eo, ad quem pertinet, animi dotes, quæ in Laicis raro reperiuntur.

Vel declarant Laicos inhabiles ad possidendas Res Spirituales; quale est Jus Decimatum: & Ipsi Theoræ & Praxi inserviunt, monstrant siquidem 1. hanc inhabilitatem esse ex Jure Ecclesiastico; ideoque Ecclesiam ab illa dispensare posse. 2. Jura Spiritualia ita esse Munici Spiritualibus annexa, ut sine maximâ causâ, qualis fuit, qua Jus Decimatum in quosdam Laicos transfult, separari nequeat.

Vel respiciunt plurimos Censurarum Casus ferendæ Sententie, ac nonnullos latæ Sententiae, necnon quosdam illarum effectus; Ipsi autem ad Praxim condicunt. Casus enim illi Censurarum obsoleti peccata, quæ tangunt, abhorre faciunt, aboliti vero Censurarum effectus, quo loco ex veterum judicio habenda sint Censurae, quamque maximè timenda sint ostendunt: vel abolita Censurarum genera spectant, & hi ad Theoriam utiles, cum Ecclesiæ potestatem circa Censuras demonstrent.

Vel tangunt illam Jurisdictionis proprietatem in eo statim, quod Causæ continentia non dividatur, ita ut qui de Principali vel Proprietate cognoscit, de Accessorio vel de Possessorio etiam cognoscit; nam Ipsi prosoft ad Theoriam: ostendunt siquidem non esse usquequamque verum, eum, qui potest majus, posse & minus, ideoque male concludi, Ecclesiam in Temporalia potestatem habere ex eo, quod in Spiritualia habeat.

Vel respiciunt Causas Temporales, quæ olim pertinebant ad Ecclesiam ratione juramenti vel peccati inde vel aliquid sequentis; & Ipsi, prout viguerunt, considerati, ad Praxim utiles sunt: hinc enim discit Spiritualia Res Temporalibus more Majorum esse præferendas, si is, cui hinc damnum infertur, consentiat; monstrant siquidem Majores nostros, ut par erat, existimatæ Juramentum, vel peccatum, quæ sunt Res Spirituales, majus quidem esse rebus Temporalibus, quibus jungebantur; ideoque Temporalia ad se trahere debere, ipsomet, cuius intererat, consentiente; spectati vero ut aboliti, ad Praxim quoque conducunt; nam justa illorum abrogatio docet, jure suo temporali invitum neminem spoliandum, ut rebus Spiritualibus honos indebitus deferatur.

Vel determinant penas à Judge Ecclesiastico imponendas, quæ in Gallia sunt arbitriae, nisi Ordinationibus Regiis vel Episcoporum Statutis determinantur; & Ipsi Theoræ & Praxi inserviunt: Theoræ, ostendunt enim quæ sit Culparum malitia; Praxi, indicant enim quæ sit pena imponenda, habitâ tantum ratione peccati.

Vel spectant modum tuendi Jurisdictionem Ecclesiasticam, nempè per Censuras Ecclesiasticas, qui in Gallia non recipitur in Casibus, qui Temporales judican-

tar; & Ipsi Theoræ Praxique utiles sunt; docent enim quibus armis defendi debeant, quæ verè Spiritualia sunt, quibusque econtra illa, quæ verè Temporalia.

Vel præcipiunt Decimas tam Personales, quam Reales, tamquam Jure Divino debitas, solvi: & Ipsi ad Praxim juvant, monstrant etenim Dei Ministros saltem sustentandos ab his, quibus Spiritualia administrant.

Vel obligant Clericos, ut alios Clericos in quacumque Causâ coram proprio eorum Episcopo convenient, vel de ipsis consilio coram aliis; & Ipsi ad Praxim non inutiles; docent enim illos, ut Episcopum pro Arbitrio elegant, aliumve de ipsis consilio.

Vel Judici Ecclesiastico dant potestatem supplendi negligentiam, malitiam Judicis Secularis; & Ipsi Praxi famulantur, cum Judicem Secularem doceant quid mereatur, quando cuicunque jus suum non reddit, vel negligentiter iustitiam administrat, scijcet ut privatetur hac vice saltem, jure cognoscendi, à Principe, à quo illud accepit.

Vel plecent Excommunicatione actiones, quæ nunc sunt prorsus impunitæ; nec Ipsi sunt quoad Mores infructuosi, excitant enim Prælatorum Zelum ad actiones illas, quibus dignæ sunt, prenis puniendas, deplorandamque præteritam negligentiam, vel suam, vel aliorum.

Vel loquuntur de Abbatum Potestate circa Priorum destitutionem, quamdiu Prioratus perpetui non fuerunt; & Ipsi ad Theoriam non sunt inutiles, docent enim quid possit Ecclesia circa Officia Regulæ, cum ipsis autoritate facta sint perpetua, quæ ad nutum erant.

Vel Parentibus dant impuberes Filios Monasterii in perpetuum tradendi Potestatem; & Ipsi Theoræ inserviunt; docent siquidem Ecclesiam posse Principem consentientem Patriam Potestatem augere vel minuere. Ad Praxim etiam conferunt, ostendunt enim, quod, si Principi & Ecclesiæ simul placet, irrita sunt omnino Filiorum Matrimonia sine Parentum consensu contracta.

Vel docent Monachos Professos Successionis Temporalis capaces, Monachisque hujusmodi Monasteria succedere posse; & Ipsi Theoræ & Praxi non inutiles: monstrant siquidem Supremos rerum Temporalium Dominos Principes, quibus consentientibus hi Canones viguere, succedendi jus dare ac auferre posse, quibus volunt; ex iis tamen, quibus propter emissum paupertatis Votum Bonorum Temporalium possessio, ab Ecclesiâ vice Dei, non prohibetur.

Vel respiciunt Prærogativas, quæ Episcopis à CONSTANTINO concessæ, & à CAROLO MAGNO confirmatae sunt, quales quod Pars etiam Laica, in quocumque statu Causa sit, ab aliâ etiâ invitâ coram Episcopo trahi possit; quod Sententia ab Episcopo quacumque in Causâ prolatâ retractari non debat; quod Episcopi unius Testimonium sufficiat, non obstante axiomate, Testis unus, Testis nullus; Hi enim Canones ad Praxim conferunt, cum Episcopos doceant se tanta probitatis, justitiae, fideique esse debere, ut iis Prærogativis gaudere mereantur.

Vel pertinent ad veterem Jejuniorum severitatem, à quibus nostra, velut à Corpore Umbra, differunt; & Hi etiam Praxi utiles, dum enim per illos, prout viguerunt, consideratos, ostendit quid circa Jejunium optet Ecclesia & per eosdem, prout abrogati sunt, spectatos, demonstratur, quid permittere eadem Ecclesia cogatur, Praelati docentur similem in rebus similibus prudentiam abhibere.

Vel de ætate ad Ordines, Dignitatesve requisitione loquuntur, quæ dum meliores erant Mores, major erat, quam nunc sit, ut Gregi Pastor conformior esset, & quam Moribus Grex habebat, maturitatem Pastor saltem ætate haberet; & Ipsi ad Praxim conferunt, cum doceant Tempori servendum. Quod de Canonibus circa ætatem ad Ordines requisitum mox dictum

dictum est ad Canones circa Interstitia ab uno ad alios  
Ordines extendendum est.

Vel Subdiaconis Matrimonium permittunt, ratave  
habent Matrimonia, sive post Ordines Sacros, sive post  
Vota, contracta; & Ipsi quoad Theoriam utiles: hinc  
enim dicitur, quid circa Ministrorum Sacrorum Cœli-  
batum, quid circa Voventium Matrimonia præstare  
possit Ecclesia. Utilitas eadem percipitur ex Canoni-  
bus, quibus Matrimonia Clandestina rata sunt.

Vel effrenem Testium multitudinem ad Episcopo-  
rum & Presbyterorum condemnationem, eosque ejus-  
dem Ordinis postulant; & Hi Praxi utiles: Ex his enim  
Canonibus, tam ut constitutis, quam ut abrogatis,  
consideratis, colligitur convenire, nec non & expedi-  
dire, ut qui in aliorum correctionem possint, non  
nisi cum labore multo condemnari possint, atque ad  
illorum condemnationem, major Testium numerus re-  
quiratur istorumque delectus fiat, accuratiisque ex-  
aminetur, sed periculosissimum fore, ad hoc tantum  
requiri Testium numerum ejusque generis, qui repe-  
riri vix possent.

Vel præscribunt, quæ facienda erant dum Bella Pri-  
vata vigeant, ac inter alia, quibus Temporibus, & cir-  
ca quas Personas treuga & pax servandæ erant; & Ipsi  
Canones ad Theoriam utiles, cum doceant circa Tem-  
poralia Ecclesiam Leges condere posse, iis, quorum in-  
terest, consentientibus; ad Praxim quoque profunt;  
hinc enim dicitur etiam in Bellis, Rerum Sacrarum, ut  
& Personarum rationem aliquam habendam esse, cum  
in his Bellis utrariumque ratio haberetur maxima.

Vel Canones abrogati versantur circa Ecclesiarum  
Episcopatum vacantium administrationem, sive à Me-  
tropolitano, sive ab Episcopo antiquiori, sive à Capi-  
tulo ipso alias faciendam, nunc verò à Vicario Capitu-  
lii, quoad Spiritualia, & ab Oeconomis Regiis, quoad  
Temporalia; & Ipsi etiam Praxi utiles, cum eadem ferè  
ab Hodiernis Administratoribus facienda sint, quæ ab  
Antiquis agenda erant.

Vel Ecclesiarum, Personarum Ecclesiasticarum, Bo-  
norumque Ecclesiasticorum Immunitates à Potestate  
Temporalis expressè concessas, vel illâ consentiente ali-  
ter introductas respiciunt; & Hi profectò etiam utiles  
tam quoad Theoriam, quam quoad Praxim; cùm  
doceant quibus Ecclesia, Persona Ecclesiastice, Bonae-  
que ad Ecclesias pertinentia privilegiis frui debeant,  
quoties Publicæ Res id patiuntur.

Vel privilegium Ecclesiis concessum, quo ad illas  
Confugientes, hinc inviti extrahi non possent, spectant,  
& propter incommoda hinc secuta, abolitum; & Ipsi  
Canones Theoræ & Praxi utiles; ostendunt siquidem,  
quæ reverentia Locis Sacris debeatur, & quamdiu ipsi  
exhibenda.

Vel nonnulla Impedimenta Matrimonium dirimen-  
tia, vel prohibentia tantum, omnino vel partim subla-  
ta respiciunt; & Ipsi Theoræ utiles, quia docent, quid  
possint, circa Matrimonia, qui illos Canones vel con-  
stituerunt, vel abrogarunt.

## TRACTATUS DE PRIVILEGIIS,

### PARS PRIMA.

*Continens Decisiones Juris propriis ipsius verbis  
desumptas.*

**G**enus quoddam Legis est Privilegium, cùm,  
& secundum nomen, & secundum rem,  
nihil aliud significet, quam privatam Legem, quæ  
& Gratia, & Beneficium, & Indulgencia, & Fa-  
vor passim dicitur in Jure Canonico: multum  
verò affinitatis haber cum Rescripto, & Mandato,  
utpotè cum Rescripto concedatur; quare  
pleraque, quæ de Rescriptis dicta sunt, intelligi  
possunt de Privilegiis, & vicissim, quæ de Pri-

vilegiis decisa sunt, possunt Mandatis attribui.  
Hic primum colligentur, quæ propriis verbis in  
Jure continentur; posteā, quæ quoad sensum  
comprehenduntur, additâ illorum explicazione.

### SECTO I.

*Quid sit Privilegium, & Quomodo intelligendum?*

I. **P**rivilegium est Lex privata. *De Verborum signifi-  
catione. Cap. Abbate. §. penult. contrâ quod.  
LIB. V. DECRL. TIT. XL. Cap. 25.*

II. Confitemini aliam esse Generalis Ecclesiae Con-  
suetudinem, postquam ea, quæ vos geritis, vobis ex  
Privilegio vindicatis: nulla vobis in hac re poterit re-  
manere dubietas. *Dist. C. 8. Contrâ morem. §. 1.*

III. Privilegium est id, quo Quidam conceditur,  
*ibid.*

IV. Non esset Lex privata, nisi aliiquid specialiter  
indulgeret. *ibid.*

V. Privilegium Concessio debet, aliiquid conferre Gra-  
tia specialis. *in VI. De Privilegiis. Cap. Si Papa. §. 1.  
Si autem. fin. in VI. LIB. V. TIT. VII. Cap. 10.*

VI. Privilegia sunt Leges Privatorum, quasi privatae  
Leges. *Dist. III. Cap. 3. Privilegia. init.*

VII. Privilegium inde dictum est, quod in privato  
feratur. *ibid.*

VIII. Privilegia Apostolica sunt Romanæ Ecclesiae  
Scripta Authentica. *De Privilegiis. Cap. Dilecti. fin.  
Colligitur. LIB. V. DECRL. TIT. XXXIII. Cap. 4.*

IX. Privilegium personale Personam sequitur. *in  
VI. De Regul. Juris. Regulâ 7.*

X. Tale Privilegium non continet Jus Publicum,  
nec est Publicum utilitate & autoritate. *De foro Com-  
petenti. Cap. Dilecti. GLOSSA colligit. LIB. II. DECRL.  
TIT. II. Cap. 17.*

XI. Privilegium aliud Donationis, aliud Confirmationis.  
*De Fide Instrumentorum. Cap. Inter Dilectos.  
§. Caterium. LIB. II. DECRL. TIT. XXII. Cap. 6.*

XII. Privilegium Reale est, per quod res ipsa est  
privilegiata. *De Privilegiis. Cap. Consultationi. Cum  
GLOSSA colligitur. LIB. V. DECRL. TIT. XXXIII. Cap.  
33. Quod est ultimum.*

XIII. Privilegium Donationis, quo donantur res  
tamquam sunt tradita & concessa; sicut per quod re-  
sum Dominum intelligitur acquiri Donatario. *ibid.*

XIV. Privilegium Confirmationis, quo res prius  
habita & possessa confirmantur. *ibid.*

XV. Sic intelligenda sunt verba Privilegii, ut res,  
de quâ agitur, valere possit potius, quam perire. *De  
Verborum signific. Cap. Abbate. §. Penult. Contrâ quod.  
LIB. V. DECRL. TIT. XL. Cap. 25.*

XVI. Privilegium ita intelligendum est, quod ii,  
quibus concessum est, aliquam ex Indulgentiâ datâ  
videantur Gratiam consecuti. *De Privilegiis. Cap. In  
his. §. Unde. fin. LIB. V. DECRL. TIT. XXXIII. Cap. 30.*

XVII. Verba Privilegii aliiquid operari debent. *In  
VI. De Privilegiis. Cap. Si Papa. §. 1. Si autem. fin.  
LIB. V. TIT. VII. Cap. 10.*

XVIII. Verba Privilegii sic intelligenda sunt, ut om-  
nis ambiguitas tollatur. *De Verborum signific. Cap.  
Abbate. §. Penult. Contrâ quod. LIB. V. DECRL. TIT.  
XL. Cap. 25.*

XIX. Privilegium debet intelligi eo modo, quo po-  
tent magis valere. *De fide Instrumentorum. Cap. Inter  
Dilectos. LIB. II. DECRL. TIT. XXII. Cap. 6. §. Cate-  
rûm.*

XX. Verba Privilegii secundum propriam significa-  
tionem sunt intelligenda. *De Decimis. Cap. Ad Au-  
dientiam. Colligitur. LIB. III. DECRL. TIT. XXX. Cap. 12.*

XXI. Non decipi beneficio nos oportet, sed juvari.  
*De Commodo. Cap. Unico. §. Contrâ fin. LIB. III.  
DECRL. TIT. XV. Cap. unico.*

XXII. Privilegia sic intelligenda sunt, ut intellexit  
Au. or